

四庫全書

子部

欽定四庫全書

子部

北堂書鈔卷六十一至

詳校官中書臣金應琦

員外郎臣牛稔文覆勘

總校官庶吉士臣倉聖脉

校對官助教臣胡子襄

謄錄監生臣苗序洙

欽定四庫全書

北堂書鈔卷六十一

唐虞世南撰
明陳禹謨補註

設官部十三

司隸校尉

八十三

五校尉八十二

城門校尉

八十三

護羌校尉八十四

司隸校尉八十一

司隸周官青章青綬

晉百官表注曰司隸校尉周官主銀章青綬五時朝服佩水蒼玉

徒隸

環濟要畧云司隸周官也主徒隸

捕姦猾

漢書百官公卿表云司隸校尉武帝征和四年

初置持節從中都官徒千二百人捕巫蠱督大姦猾後罷其兵察三輔三河弘農等七郡

督二千石

漢書儀云司隸校尉武帝初置後諸侯王貴戚不服乃以中郡中官徒奴千二百人屬為一校尉部刺史督二

千石察舉百僚

後漢書百官志云司隸校尉一人比二千石孝武帝初置持節掌察舉百官以

下及京師近郡犯法者

統七郡

漢書公卿百官表云見前

領三河

漢書百官公卿表見前

乘驄馬

列異記云鮑宣子永孫昱俱為司隸乘驄馬京師歌之曰鮑氏驄三人司隸再入公馬雖瘦行

步從緹騎

環濟要畧云司隸出從緹騎

專道而行

漢書百官公卿表云司隸校尉掌察

皇太子天下行馬內專席而坐東觀漢記曰司隸校尉與尚書令御史中丞朝

會皆專席而坐故無所不統漢書儀云司隸校尉統皇太子三公以下旁州郡無

京師號曰三獨坐所不統也無不綜典魏志鍾會遷司隸校尉雖在外司察案

公卿董環濟要畧云司隸主徒隸內正百僚外督邦畿王

書云李膺領司隸校尉膺屢自表讓忝傳儲宮不宜兼晉

監司之官武帝以二職並須忠賢故每不許咸寧初皇

太子出居東宮帝以司隸內正百僚外督邦畿事任峻

重而少傳有旦夕輔導之務膺素羸不宜久勞之轉拜

侍中加特進補案膺雖歷職內外而家至時惟鷹鷂崔

貧儉兒病無以市藥帝聞之賜錢十萬附時惟鷹鷂崔

司隸校尉歲云率隸掘蟲以詰其姦既舊號臥虎傅咸

定既寧爰遂其官伴督京甸時惟鷹鷂舊號臥虎集司

隸校尉舊號臥虎誠以舉綱而刺舉無所迴避謝承漢萬目理提領而衆毛從者也

為司隸校尉是時奄寺在內司隸糾上檢下應劭漢官貴幸用勢永舉法無所迴避

尉鮑宣糾上檢下嚴刑必權門雀目鼠步東觀漢記陽斷貴戚憚之京師政清

尉詣闕謝恩表云常侍王甫罪過奔車收送詔獄自臨考之死於杖下權門惶怖莫不雀目鼠步京師肅然

捕治奄侍

謝承後漢書曰許允為司隸校尉是時奄侍用勢永舉法治之奏免送官干寶

晉總紀云傅咸兼司隸校尉時朝廷寬弘豪右放恣郡縣從容寇賊充斥文相請託朝野溷濁咸於是數日之

間三奏免送官奏案蹇走馬奏趙王朝廷肅然後漢鮑諤終無所撓有司肅然

隸校尉帝叔父趙王良尊戚貴重永以事劾良大不敬由是朝廷肅然莫不戒慎乃辟扶風鮑恢為都官從事

恢亦抗直不避彊禦帝常曰貴戚且宜斂手以避二鮑其見憚如此補案東觀記曰時良從送中郎將來歛喪

還入夏城門中與五官將軍相逢道迫良怒召門候岑尊叩頭馬前永劾奏良曰今月二十七日日車駕臨故中

郎將來歛喪還車駕過須臾趙王良從後到與右中郎將張邯相逢城門中道迫狹叱邯旋車又召候岑尊詰

責使前走數十步按良諸侯藩臣蒙恩入侍知尊帝城門候吏六百石而肆意加怒令叩頭都道奔走馬頭前

無藩臣之禮大不敬也附奔車收王甫權門屏氣後漢陽球為司隸校尉表中常侍王

甫罪過奔車收之送洛陽獄及甫子永樂少府萌沛相吉球自臨考甫等五毒備極萌謂球曰父子既當伏誅

少以楚毒假借老父球曰若罪惡無狀死不滅責乃欲球假借耶萌乃罵曰爾前事吾父子如奴奴敢反汝主

乎今日困吾行自及也球使以土窒萌口補秦收尹交至父子悉死杖下權門聞之莫不屏氣補

模

王隱晉書何曾為司隸校尉撫軍校事尹模憑寵作威姦利盈積朝野畏憚莫敢言者曾奏劾之朝廷稱

焉

時曹爽專權宣帝稱疾曾亦謝病爽討乃起視事魏帝之廢也曾預其謀焉時步兵校尉阮籍負才放誕居

喪

無禮曾面質籍於文帝座曰卿縱情背禮敗俗之人今忠賢執政綜核名實若卿之曹不可長也因言於帝

曰

公方以孝治天下而聽阮籍以重哀飲酒食肉於公座宜擯四裔無令汙染華夏帝曰此子羸病若此君不

能

為吾忍耶曾重引據辭理甚切帝雖不從時人敬憚之補

重據阮籍

見

晚開早閉

謝

承後漢書曰公孫煜為司

枹鼓不鳴

益部耆舊傳趙

隸

校尉枹鼓不

京師清靜

續漢書云宣康字巨公遷司

鳴

民無侵冤

京師清靜

隸校尉奉法遵典督察奸邪

務

舉宏綱正大體濶畧細微其政

京師政清

漢官儀舉

嚴

而不苛百官肅然京師清淨

云見前

正百僚敬憚

續漢書云牟融拜司隸校尉多所舉正百僚敬之

公正百僚忌難

續漢書鮑永為司隸校尉永性矜嚴公正百僚忌難每朝各加戒慎也

官侍屏氣

後漢李膺拜司

隸校尉時張讓弟朔為野王令貪殘無道至乃殺孕婦聞膺厲威嚴懼罪逃還京師因匿兄讓第舍藏於合柱中膺知其狀率將吏卒破柱取朔付洛陽獄受辭畢即殺之讓訴冤於帝詔膺入殿御親臨軒詰以不先請便加誅辟之意膺對曰昔仲尼為魯司寇七日而誅少正卯今臣到官已積一句私懼已稽留為愆不意獲速疾之罪誠自知釁責死不旋踵特乞留五日克殄元惡退就鼎鑊始生之願也帝無復言顧謂讓曰此汝弟之罪司隸何愆乃遣出之自此諸黃門常侍皆鞠躬屏氣休沐不敢復出宮省帝怪問其故並叩頭泣曰畏李校尉也

補也姦慝自弭

司隸校尉姦慝自弭

權貴改服

謝承後漢書劉

佑為司隸校尉時權貴子弟罷州郡還入彊族斂手謝承

京師者每至界首輒改易與服隱匿財寶

後漢書孫華為司隸校尉案令長去官謝漢書許永為

法捕治無所迴避強族斂手

子弟為令長官者並棄官去威守令投印王隱晉書劉

烈風行於是深見怨於宰臣也

尉糾正豪右司部守令望風投印綬者甚衆案毅幼

有孝行少厲清節然好臧否人物王公貴人望風憚之

僑居平陽太守杜恕請為功曹沙汰郡吏百餘人閉閣

三魏稱焉為之語曰但聞劉功曹不聞杜府君補

不通私書謝承漢書華松為司隸校尉是時

閉閣不通

豪友

謝後漢書任防為司隸校尉下車嘗

石鑒再為司

隸

臧崇緒晉書云石鑒以才幹習於劉暉五為司隸又

從政敢斷無疑再為司隸校尉也

劉敞五為司隸
允協物情故也

虞詡言常侍論輸左校

後漢虞詡為司隸校尉時中常

侍張防特用權勢每請托受取詡輒案之而屢寢不報
詡不勝其忿乃自繫廷尉奏言曰今者張防復弄威柄
國家之禍將重至矣臣不忍與防同朝謹自繫以聞無
令臣襲楊震之跡書奏防流涕訴帝詡坐論輸左校防
必欲害之二日之中傳考四獄獄吏勸詡自引詡曰寧
伏歐刀以示遠近宦者孫程張賢等知詡以忠獲罪乃
相率奏許永言奄侍當下廷尉謝承後漢書云許永為
得免補許永言奄侍當下廷尉司隸校尉言奄侍在內
並貴幸用勢于外見怨于宰臣遂見誣譖當下廷尉永
謂友人曰永年七十庶幾以忠義致身未得殲姦人之
首而先賊受害何能復入奏推辱宰相
漢書鮑宣為司隸校尉時丞相
對刀筆吏乎遂仰藥而死也
孔光四時行園陵官屬以令行馳道中宣出逢之使吏
鈎止丞相掾史沒入其車馬推辱丞相事下御史中丞侍

御史至司隸官欲捕從事閉門不肯內宣坐距閉使者亡人臣禮大不敬不道下廷尉獄博士弟子濟南王咸舉幡太學下曰欲救鮑司隸者會此下諸生會者千餘人朝日遮丞相孔光自言丞相車不得行又守關上書上遂抵宣罪賤易上卿漢書翟方進為丞相司直時涓減死一等補賤易上卿漢書翟方進為丞相司直時涓大夫後朝會相見禮節又倨方進舉奏勲輕慢宰相賤易上卿不宜處位臣請下丞相免勲丁冲飲酒醉死魏畧云丁冲為司隸校尉後數鮑昱救火免官歲遇諸將飲酒美不覺醉死

續漢書鮑昱拜司隸校尉昱在職奉法守正坐救火遲免官也

五校尉八十二

五校尉二千石

漢書百官公卿表云五校尉皆二千石武帝置虎賁校尉胡騎校尉悉隸城門

校尉建武七年省長水射聲九年改屯騎為驍騎青巾
十年又置長水騎為屯騎省越騎置司馬併長水又省
中壘校尉以虎賁并射聲及步兵為五校尉案百官
公卿表云城門校尉掌京師城門屯兵有司馬十二城
門候中壘校尉掌北軍壘門內外掌西域屯騎校尉掌
騎士步兵校尉掌上林苑門屯兵越騎校尉掌越騎長
水校尉掌長水宣曲胡騎又有胡騎校尉掌池陽胡騎
不常置射聲校尉掌待詔射聲士虎賁校尉掌輕車凡
八校尉皆武帝初置有丞司馬自司隸至虎賁校尉秩
皆二千石西域都護加官宣帝地節二年初置以騎都
尉諫大夫使護西域三十六國有副校尉秩比二千石
丞一人司馬候千人各二人戊巳校尉元帝初元元年
置有丞司馬各一人候主禁兵東觀漢記馬光監越騎
五人秩比六百石補視事以為五校尉主禁
兵武備宿衛兩臨掌宿衛續漢百官志云五校尉各一
官不宜在一處人秩比五千戶掌宿衛兵

宿衛兩宮

東觀漢記馬光見上

各領千兵

晉品令云漢置五校尉為宿衛軍各領千兵

官顯職閒

後漢劉般為屯騎校尉時五校官顯職閒而府寺寬敞輿服光麗伎巧畢給故多以宗室

肺腑居之補

禁兵武備

東觀漢記馬光見上

上應天工下厭羣望

東觀漢記

梁冀拜步兵校尉上書列校之職上應天工下厭羣望實非愚臣所宜

府寺寬敞輿服光

麗

後漢劉般見前

掌屯兵

漢書百官公卿表云步兵校尉掌上林苑門屯兵續漢書云步兵校尉掌上

宿衛兵

掌騎士

又云屯騎校尉掌騎士續漢書云屯騎校尉掌宿衛兵

掌胡騎

又云長水

校尉掌長水宣曲胡騎師古注曰長水胡名也宣曲觀名胡騎之屯于宣曲者續漢書云長水校尉掌宿衛兵

掌射聲

又云射聲校尉掌待詔射聲士服皮注云工射者也冥冥中聞聲則中之因之名也應劭曰須

詔所命而射故曰待詔射也續漢書云射聲校尉掌宿衛兵

大猷虔恭法憲

王隱晉書齊王

攸字大猷少以英奇見稱始除步兵校尉時年十八初授戎任職虔恭法憲綏禦有方

士恭躬處

儉約

晉中興書云任丞字士恭為屯騎校尉位居蕃屏躬處儉約

仲華鷹揚虎視

汝南

先賢傳曰應順字仲華拜射聲校尉鷹揚虎視

馬光帥厲吏士

東觀漢記馬光為校尉帥厲吏

士教習有方

劉超兵多義隨

晉中興書劉超為射聲校尉時軍校無兵義興人多義隨超因

統其眾以宿衛號曰君子營

吏士稱仁

後漢曹褒遷射聲校尉時射聲營舍有停棺不墓者百餘

所褒親自履行問其意故吏對曰此等多是建武以來絕無後者不得埋掩褒乃愴然為買空地悉墓其無主者設祭以祀之吏補

吏士敬畏

謝漢書鄧子淵遷越騎校尉為營吏士所敬畏云

不同常例

王晉書武帝詔曰射聲校尉內參九列不宜同之常例

高選綱佐

晉中興書

東海王冲為長水校尉年十一高選綱佐以劉耽為司馬顧和為主簿

給千人

王晉書云王允為屯

騎校尉千人營置長吏司馬

領千營

王晉書王冕傳云冕為長水校尉領千營置吏司馬也

伯

宗陳上方畧

續漢書耿恭字伯宗遷長水校尉其秋金城隴西羌反恭上疏陳方畧詔召入問狀

乃遣恭將五校士三千人

案恭嘗被圍疏勒匈奴于

城下擁絕澗水吏士渴乏恭仰嘆曰聞昔貳師將軍拔

佩刀刺山飛泉湧出今漢德神明宜有窮哉乃整衣服

向井再拜為吏士禱有頃水泉奔出乃揚水示虜虜遂

引去補范曄論曰余初讀蘇武傳感其茹毛窮海不為

大漢羞後覽耿恭疏勒之事喟然不覺涕之無從嗟哉

義重于生以至是乎昔曹子抗質于柯盟相如申威于

河表蓋以決一旦之負異乎百死之地也以為二漢常

疏高爵宥十世而蘇君恩不及嗣恭亦武孺數言便宜

終填牢戶追誦龍蛇之章以為嘆息附

東觀賈宗字武孺為長水校尉宗惟方正奉職愛士及在朝廷數言便宜深見親異上美宗既有武節又兼經

術每宴會與當世文儒戴陵諫弋獵魏志云戴陵為長水校尉諫文帝不

司徒丁鴻難經術傳宜數行弋獵帝大怒陵減死罪一等留贊好直言吳書留贊為屯騎校尉時事得失每常規諫好

直言不阿旨孫權以此憚之任峻見事理魏志任峻遷長水校尉峻寬厚有度而見事理每有

所陳太祖多善之案峻于饑荒之際收卹朋友孤遺中外貧宗周急繼乏信義見稱補陸嘉有德

行王隱晉書陸嘉仕吳稍至任宏校兵書漢書藝文志屯衛校尉既名族有德行成帝時遣步

兵校尉任宏校兵書賈宗兼經術東觀賈宗見前記五經異說續漢書樊

校尉與公卿雜定郊祠禮儀以識記正五經異說

定五經同異

後漢丁鴻傳云鴻為射聲校尉

肅宗詔鴻與廣平王羨及諸儒樓望成封桓郁賈逵等論定五經同異于北宮白虎觀使五官中郎將魏應主承制問難侍中淳于恭奏上帝親稱制臨決鴻以才高論難最明諸儒稱之帝數嗟美焉時人嘆曰殿中無雙丁孝

嗣宗縱酒昏酣

魏氏春秋云阮籍聞步兵校尉缺公補嗣宗縱酒昏酣

遂縱酒昏酣遺落世事補案籍本傳云籍能為青白眼見禮俗之士以白眼對之及嵇喜來弔籍作白眼喜不憚而退喜弟康聞之乃齋酒挾琴造焉籍大悅乃見青眼由是禮法之士疾之若讐而帝每保護之附

石縱暴無道

謝後漢書云曹節弟破石為越騎校尉越騎營五百妻有美色破石從求之五百不

敢違妻執意不肯行遂自殺其縱暴無道多此類案韋昭辨釋名曰五百字本為伍伍當也伯道也使之導

引當道陌中以驅除也今

俗呼行杖人為五百附

公路以氣高人

魏志袁術字

校尉好奢綺盛車馬以氣高人謠曰路中捍鬼袁長水

案後漢書曰術少以俠氣聞數與諸公子飛鷹走狗

後頗折節舉孝廉累遷至河南尹虎賁中郎將及案陳

壽魏志術除郎中歷職內外後為折衝校尉此注稱長

水校尉當

別有據附

城門校尉八十三

掌京師城門

漢書百官公卿表云城門校尉掌京師城

門屯兵有司馬案後漢百官志云城門

校尉一人比二千石本注曰掌雒陽城門十二所其正

南一門曰平城門北宮門屬衛尉其餘上西門雍門廣

陽門津門小苑門開陽門耗門中東門上東門穀門夏

門凡十二門蔡質漢儀曰雒陽二十四街街一亭十二

北堂書鈔

九

城門門掌軍壘又云中壘校尉掌北軍壘門內外掌西

一亭補又掌掌輕車又云虎賁校尉掌輕車掌諸軍兵田魏畧云司農校尉黃初置

西域補秩二千石掌主天下材木魏畧云材官校尉黃初置秩

諸軍兵田比二千石主天下材木屬少

護羌校尉八十四

主西羌漢百官志云護羌校尉主烏桓續漢書百官志

人主烏桓秋二千石羌胡感悅東觀漢記鄧訓為護羌校尉時羌胡俗

聞有困病者輒拘持束縛不與兵刃使醫藥療之愈者非一小大莫不感悅訓病卒吏人羌胡愛惜旦夕臨者

日數千人或以刀自割又刺殺犬馬牛羊曰鄧使君已死我曹亦俱死耳前烏桓吏人皆奔走道路至空城郭

案章和二年護羌校尉張紆誘誅燒當種羌迷吾等由是諸羌大怒謀欲報怨朝廷憂之公卿舉訓代紆為校尉議者咸以羌胡相攻縣官之利以夷伐夷不宜禁護訓曰不然今張紆失信衆羌大動經常屯兵不下二萬轉運之費空竭府帑涼州吏人命縣絲髮原諸胡所以難得意者皆恩信不厚耳今因其迫急以德懷之庶能有功遂令開城及所居園門悉驅羣胡妻子內之嚴兵守衛羌掠無所得又不敢逼諸胡因即解去由是湟中諸胡皆言漢家常欲闢吾曹今鄧使君待我以恩信開門內我妻子乃得父母咸歡喜叩頭曰惟使君所命

補
昆彌歡喜

後漢耿恭為戍校尉屯後王柳中城屯各置者闢寵為已校尉屯前王柳中城屯各置

數百人恭至部移檄烏孫示漢威德

田豫受其金答其

大昆彌以下皆歡喜遣使獻名馬

北堂書鈔

十一

厚意

魏畧曰田豫為護羌校尉時鮮卑素利等數來客見多以牛馬遺豫豫轉送官胡以為前所與豫物

顯露不如持金乃密懷金三十觔謂豫曰願避左右我欲有所道豫從之胡因跪曰我見公貧故前後遺公牛馬公輒送官今密以此上公可以為家資豫張袖受之答其厚意胡去之後皆悉付外具以狀聞於是詔褒之曰昔魏絳開懷以納戎今卿舉袖以受狄金朕甚嘉焉乃即賜絹五百匹豫得賜分以其半藏小府後胡復來以半與之補

北堂書鈔卷六十一

欽定四庫全書

北堂書鈔卷六十二

唐 虞世南 撰

明 陳禹謨 補註

設官部十四

御史中丞八十五 治書侍御史八十六

侍御史八十七 直指錦衣八十八

蘭臺令史八十九 司直九十

謁者僕射九十一

御史中丞八十五

殿內舉劾

漢書曰御史中丞二人本御史大夫之丞其一別在殿中舉劾案章故曰中丞補監

國得失

王充論衡云蘭臺之官監國得失漢官典職云中丞掌蘭臺總蘭臺 漢官解詁云建

武以來省御史大夫官屬入侍蘭臺蘭臺有十五人特置中丞一人以總之此官得舉非法其權次尚書補

督司隸

漢書儀云武帝時御史中丞督司隸司隸督丞相丞相督司直司直督刺史刺史督二千石下

至墨 掌圖籍受章奏

漢書百官公卿表云御史大夫有兩丞秩千石一曰中丞在殿中蘭

臺掌圖籍秘書外督部刺史內領侍御史員十五人受公卿奏事所舉劾按章環濟要畧云御史中丞有石室以

藏秘書圖

不得糾尚書

晉書傳咸奏云司隸中丞得糾

識之屬

朝廷無督太子以下

晉百官表注云漢以御史中丞為臺主與司隸分督百察自皇太子

以下無所不糾初不得糾尚書後亦糾之補

糾察百僚

漢書儀云御史中丞內掌蘭臺督諸州刺

史糾察

課第刺史

漢書陳咸為中丞總領州郡奏事課第諸刺史執法殿中公卿以下皆敬

之憚在殿內察非法

續漢書百官志云御史中丞在殿內掌察舉非法

居殿中舉

不法

章昭辨釋名云中丞自御史大夫下丞有二其一別居殿中舉不法故曰中丞補

會同專

席

東觀漢記云宣秉拜御史中丞上特詔御史中丞與司隸校尉尚書令會同並專席而坐故京師號曰三

獨坐

遇尚書郎避車住揖

漢書典職云御史中丞遇尚書郎避車執板住揖車過乃

去遇洛陽令分路而行

魏氏春秋云故事御史中丞與洛陽令相遇則分路而行不欲

稽留也陳羣舉鮑勛

魏志黃初四年尚書令陳羣僕射司馬懿並舉鮑勛為官正宮正即御史

中丞也帝不得已而用之百僚嚴憚固不肅然

山公啓刁攸

山公啓事云御史中丞刁攸舊人年

衰百僚未甚為憚坐治政事故尚書可也

周浚有才用

山公啓事云御史中丞周浚果烈有才用

也孔顯有才能

山公啓事云孔顯有才能果勁不撓以為御史中丞詔可之

察舉無

所迴避

東觀馬嚴拜御史中丞賜冠幘衣服車馬嚴舉劾案章申明舊典奉法察舉無所迴避百寮憚

之彈奏無所屈撓

晉中興書濟陽錄江繪為御史中丞既到職彈奏無所屈撓時元顯專政

多行驕橫

秉直不憚彊禦

晉書李憺遷御史中丞當官秉直不憚彊禦案時景帝

繪密啓之

輔政命憲為大將軍從事中郎憲到引見謂憲曰昔先公辟君而君不應今孤命君而君至何也對曰先君以禮見待憲得以禮進退明公以法繩憲畏法而至帝甚重之補

彈奏不畏彊禦

音中興書

鄧隗為御史中丞劾秦南中郎將王含以族彊顯貴驕傲自恣事雖被寢王氏深忌疾之隗之彈奏不畏彊禦

皆此類也

奏劾少府穢濁

王晉書傳咸字長處遷御史中丞奏劾少府夏侯陵取官田立私屋

近小人委以家計令工匠竊盜官物附益於私所營唯利醜問克斥大臣穢濁無以為訓奏上免陵官

奏

劾司馬不敬

晉中興書云晉宗室譙王恬為御史中丞值海西公廢太宗即位未解嚴大司馬桓

溫屯中堂夜吹警角恬奏劾溫大不敬請理罪明日溫見奏事嘆曰此兒乃敢彈我真可畏也舉正非

法百僚震悚

東觀漢記準為御史中丞舉正非法百僚震悚

明法直繩內外震

肅傳宣列傳曰宣為御史中丞明正繩直筆王隱晉書云周處為

御史中丞秦征虜將軍石崇大將軍梁王彤等正繩直筆權豪振肅補羣察憚之東觀何熙為御

史中丞羣百官憚之晉書李徹字宣伯遷御史中丞恭恪直繩百官憚之執憲百

僚敬服謝漢書傅賢拜御史中丞執憲公平百僚敬服奉法百寮所敬續漢書陳謙拜

御史中丞執憲奉法多貶退分明漢書薛宣以明習文法糾正為百寮所敬也貶退分明法詔補御史中丞執

法殿中外總部刺史舉奏郡國二千石所貶退稱進白黑分明由是知名豪強屏息司直敬宗

云惟茲憲臺皇威斯翼昔有二鮑豪強屏息良臣獻箴敢告司直寬而不縱晉書侯史

初詔曰光忠亮篤素有居正執義之心歷職內外恪勤在公其以光為御史中丞雖屈其列校之位亦所以伸

其司直之才光在職寬而不縱太保王祥久疾廢朝光奏請免之詔優祥而寢光奏後遷少府又詔曰光厲志守約有清忠之節家極貧儉其賜錢五十萬光儒學博士厯官著績文章奏議皆有條理補威而不

剋

臧榮緒晉書庾峻為御史中丞威而不剋

梅陶奉王憲

梅陶自敘云余居中丞曾以法鞭皇

太子傅令親友莫不致諫余笑而應之曰堂高曰陛皇太子所以得崇於上由吾奉王者法吾豈枉道曲媚後

皇太子將見延請賜以清讌於是太子禮敬如師補

劉隗多所糾

虞預晉書云劉隗為司直多所

糾臧宣微文深詆

史記臧宣遷至御史及中丞使治主父偃及淮南反獄所以微文深詆殺

者甚衆稱為敢決疑數廢數起為御史及中丞者幾二十歲補案宣居官數年壹切為小治辦然獨宣以小治

大能自行之難以為經中廢為右扶風坐怒其吏成信信亡藏上林中宣使郡令將吏卒闌入上林中蠶室門

攻亭格殺信射中苑門宣下吏為杜周內深又云杜周與臧宣相

大逆當族自殺而杜周任用附繼更為中丞十餘歲其治與宣鍾雅阿撓晉中興書王

相放然重遲外寬內深刺骨補而出送都鑒十臺奏導專任無敬御史中丞鍾雅阿撓不糾並宜彈肅雖事寢不行舉朝憚之臧宣酷

暴見上

治書侍御史八十六

冠法冠

胡廣漢官儀曰御史四人持書皆法冠一名柱後一名獬豸獬豸獸名知人曲直觸邪佞補案

神異經云東北荒中有獸如牛一角毛青四足似熊見人闕則觸不直聞人論則咋不正名曰獬豸一名任法

獸故立獄皆東北依所在也張華曰今御史法冠曰獬豸又名魃論衡曰魃者一角之羊也性知有罪臯

陶治獄其罪疑者令羊觸之有罪則觸無罪則不觸斯蓋天生一角聖獸助獄為驗故臯陶敬羊起坐事之附

諸讞疑

續漢書百官表注云治書侍御史秩六百石掌選明法律者為之凡天下諸讞疑掌以法律當

其是

評廷尉獄事

漢百官公卿表云宣帝從路溫舒議幸宣室決獄令侍御史二人治書評

廷尉獄事

治廷尉奏事

漢官典職云治書侍御史二人治廷尉奏事罪當輕重

掌法是

非

續漢書百官志見前

罪當輕重

漢官典職見上

糾察六品

續漢書百官志云治書侍

御史察六品以下惠帝以後無所平治備位而已

慰勞四方

魏氏春秋云荀寓字景伯為治書侍

御史慰

選明法律

續漢書百官表見前授準繩官

繆世應石鑒碑云君為治書御

史朝廷以公雅節不羣直方其道仍授準繩之官頻居爪牙之任鷹跼虎視而庶僚風靡案晉書石鑒傳云

武帝崩鑒與中議軍張劭監統山陵時大司馬汝南王亮為太傅楊駿所疑不敢臨喪出營城外時有告亮欲舉兵討駿駿大懼白太后令為帝手詔詔鑒及張劭使率陵兵討亮劭駿甥也便率所領催鑒速發鑒以為不然保持之遣人密覘視亮已別道還許昌於是駿止論者稱之補

識朗明正

山公啓事云治書侍

御史王啓識朗明正後來之俊也

鷹跼虎視

見

高柔省訟

魏志

高柔為治書侍御史

執法民間數有誹謗妖言帝疾之有妖言輒殺而貴告者柔上疏曰今妖言者必戮告之者輒賞既使過誤無反善之路又將開凶狡之羣相誣罔之漸誠非所以息奸省訟緝熙治道也案魏氏春秋曰柔既處法平允又夙夜匪懈至擁膝抱文書而寢太祖嘗夜微行觀石察諸吏見柔哀之徐解裘覆柔而去自是辟焉補

鑒直方

繆世應石鑒碑見上

詔以王仲為治書

晉起居注武帝詔曰故司空王基夙

為先帝授任基子尚書詔以陳壽為治書郎仲其以為治書御史

王晉書陳壽傳云杜預將

之鎮入辭啓曰蜀有陳壽才史通博宜補黃散詔即用壽為治書侍御史

案壽撰魏吳蜀三國志凡六十五

篇時人稱其善敘事有良史之才夏侯湛時著魏書見壽所作便壞已書而罷張華深善之謂壽曰當以晉書

相付耳其為時

程邈作大篆

衛桓集云程邈為御史得罪始皇繫雲陽十年被獄

中作大篆少者增益多者減損方者使員員者使方奏之始皇善之出為御史

兒寬語經學漢書

兒寬傳舉侍御史見上語經學上說之從問尚書一篇擢為中大夫

案武帝將封禪拜兒寬為御史大夫從

東封泰山初梁相褚大通五經為博士時寬為弟子及御史大夫缺徵褚大大自以為得御史大夫至洛陽聞

兒寬為之褚大笑及至與寬議封禪于上前大不能及退而服曰上誠知人寬為御史大夫以稱意任職故久

無有所匡諫於上官屬易之補

班固作哀辭

班固集馬仲都辭云車騎陽文侯馬仲都明帝舅也

從車駕於洛川浮橋馬入水溺死帝顧謂侍御史班固為上作哀辭也

李恂寫山川

續漢書李

恂遷侍御史持節使幽州宣布恩澤慰撫北狄所過皆寫圖山川屯田聚落百餘卷悉封奏上肅宗嘉之周

騰觀星象

豫章周騰字叔達為侍御史桓帝當郊平明應出騰仰觀曰夫主者象星今宮中宿及策

馬星悉下不動上明不出至四更皇太子卒

陳咸歸于鄉里

東觀漢記陳寵曾祖父咸哀平

問以明律為侍御史王莽篡位父子相將歸鄉里閉門不出乃收家中律令文書壁藏之以俟聖主咸常戒子

孫曰為人議法當依于輕雖有百金之利慎無與人重

惠伯遁入山林

陳留風俗云桓烈字

惠伯為侍御史以王莽之初遁入山林世祖即位就其家食以二千石祿以旌其德

侍御史八十七

周曰柱下秦為御史

六典云周官宗伯屬官御史掌邦國都鄙及萬民之治令以贊冢宰

凡治之者受法令焉以其在殿柱之間亦謂之柱下史老聃嘗為之秦改為侍御史冠法冠一名柱後惠文冠

以鐵為柱言其審固不撓也法冠者秦事云始皇滅楚以其君冠賜御史亦名獬豸冠補初上稱守

滿歲拜真

續漢書百官志云侍御史十五人皆用公冠法府掾屬高第補之初上稱守滿歲拜真冠

法冠

見前

簪白筆

魏畧云帝嘗大會殿中侍御史簪白筆側堦而坐上問左右此為何官何主左

右不對辛毘對曰此謂御史舊時簪筆以秦不法今者直備位但耽筆耳

官注言行

漢書儀云侍御

史周官也漢興襲秦因而不改掌注言行紀諸不法

主方書

史記張蒼自秦時為御史主柱下方書即

其任

受奏事

續漢書百官志云侍御史十五人秩六百石掌察舉非法受公卿羣吏奏事有違失

也

舉劾治詔獄

晉百官奏事箴云侍御史一人與御史同掌治詔獄及廷尉不當者皆治之

察

辭詔

漢官辨詔云惠帝三年相國奏遣御史監三輔察辭詔凡九條監者二歲更常以中月奏事也

舉

非法

續漢書百官志見前

察百僚督州郡

漢官典職云侍御史糾察百僚督州郡

掌

萬民

又云侍御史秦官周有御史掌郡國都邑萬民之治以贊冢宰

監三輔

漢官辨詔云見前

掌殿門宿衛

晉百官表注云侍御史掌殿門以內案防宿衛署在殿中者皆總攝

不入殿

案行

傳咸集百官表云侍御史不得入殿案行

監威儀

續漢書百官志云侍御史十五人凡郊廟

之祠及大朝會大封拜則二人監威儀有違失則劾奏

監祭祀

晉百官表云侍御史周為柱下老聃

職掌諸曹其治事
察不法監祀朝會

趙堯刀筆稍遷至御史

漢雜事云趙堯以刀

筆稍遷至侍御史也案漢書趙堯傳云堯為符璽御史趙人方與公謂御史大夫周昌曰君之史趙延年雖少然奇士君必異之是且代君之位昌笑曰堯年少刀筆吏耳何至是乎居頃之堯侍高祖高祖獨心不樂悲歌羣臣不知上所以然堯進請問曰陛下所為不樂非以趙王年少而戚夫人與呂后有隙備萬歲之後而趙王不能自全乎高祖曰我私憂之不知所出堯曰陛下獨為趙王置貴彊相及呂后太子羣臣素所敬憚者乃可高祖曰然吾念之欲如是而羣臣誰可者堯曰御史大夫昌其人堅忍伉直自呂后太子及大臣皆素嚴憚之獨昌鄭均月餘而遷

東觀漢書云鄭均拜侍御史月餘遷尚書

案後漢書鄭均傳云均

少好黃老書尤為縣吏頗受禮遺均數諫止不聽即脫身為傭歲餘得錢帛歸以與兄曰物盡可復得為吏坐

賊終身捐棄兄感其言遂為廉潔均好義篤實養寡嫂孤兒恩禮敦至常稱疾家庭不應州郡辟召補盛

吉一月而遷

會稽典錄云盛吉拜司徒一月而遷中丞也

斬伐不避貴執

漢書

云尹齊以刀筆吏稍遷至御史事張湯湯數稱以為廉武帝使督盜賊斬伐不避貴執案齊遷關都尉聲甚

于甯成上以為能拜為中尉吏民益凋敝輕齊木強少文豪強吏伏匿而善吏不能為治以故事多廢抵罪後復為淮陽都尉王溫舒敗後數年病死家直不滿五十金所誅滅淮陽甚多及死仇家欲燒其尸妻亡去歸葬

補執正無所迴避

續漢書桓典為侍御史是時宦官秉權典執正無所迴避常乘驄馬京師

畏憚為之語曰行行

埋車奏梁冀

後漢張綱為御史時順帝委縱宦官有識

且止避驄馬御史危心綱常感激慨然歎曰穢惡滿朝不能奮身出命埽國家之難雖生吾不願也漢安元年選遣八使巡行風

俗皆耆儒知名多歷顯位唯綱年少官次最微餘人受命之部而綱獨埋其車輪于洛陽都亭曰豺狼當路安問狐貍遂奏曰大將軍梁冀河南尹不疑蒙外戚之援荷國厚恩專為封豕長蛇貪縱無底多樹諂諛以害忠良誠天威所不赦大辟所宜加也謹條其無君之心十五事斯皆臣子所切齒者也書御京師震悚補索

紙奏郭彰

音書云劉暉轉侍御史會司徒王渾主簿劉興獄辭連暉將收付廷尉渾不欲使府有過

欲距劾自舉之與暉更相曲直渾怒便遜位還第暉乃奏渾曰謹按司徒王渾蒙國厚恩備位鼎司敢因劉興拒扞詔使私欲大府興長獄訟昔陳平不答漢文之問丙吉不問死人之變誠得宰相之體也既興刑獄怨懟而退舉動輕速無大臣之節請免渾官其後武庫火尚書郭彰率百人自衛而不救火暉正色詰之彰怒曰我能截君角也暉勃然謂彰曰君何敢恃寵作威作福天子法冠而欲截角乎求紙筆奏之彰伏不敢言衆人解

釋乃止彰久貴豪侈每出輒從百餘人自此之後務從簡素補延年劾霍光無人臣禮

漢書嚴延年少學法律舉侍御史是時大將軍霍光廢昌邑王尊立宣帝宣帝初即位延年劾奏光擅廢立無人臣禮不道奏雖寢然朝廷肅焉敬憚補案延年為人短小精悍敏捷于事雖子貢冉有過藝于政事不能絕也吏忠盡節者厚遇之如骨肉皆親鄉之出身不顧以是治下無隱情然疾惡太甚中傷者多尤巧為獄文善史書所欲誅殺奏成于手中主簿親近史不得聞知奏可論死奄忽如神冬月傳屬縣囚會論府上流血數里河南號曰陳翔奏梁冀威儀不整續漢書陳翔遷侍御史元日朝賀梁冀威儀伯附

儀不整請收理劉暉奏王渾無大臣之節晉書劉暉見上治獄

以為能

史記張湯補侍御史案事治陳皇后蠱獄深竟黨與上以為能案湯父為長安丞出湯為兒

守舍還而鼠盜肉其父怒笞湯湯掘窟得盜鼠及餘肉
劾鼠掠治傳爰書訊鞠論報并取鼠與肉具獄磔堂下

其父見之視其文辭如老
獄吏大驚遂使書獄補
斷獄朝野稱當
王隱晉書云
庾峻博學有

才思長安有大獄久不決轉峻
為侍御史往斷之朝野稱當
戴禮能治劇
謝承後漢
書云戴禮

雅有威望拜侍御史以能
治劇出為丹陽東都尉
孫綝習內事
山公啓事云通
事令史孫綝限

滿久習內事才宜殿中侍御史
須空補之不審可否詔曰可
鄭劇盡節剛正
東觀鄭
劇拜內

史上疏曰臣斗筭之小吏擢在察視之官職任過分當
刺邪矯枉詔書示官府曰劇盡節剛正亦何陵遲之有

賜劇素六十
劉暉用心厲正
傅暢晉讚云劉暉遵其家
業用心厲正為侍御史之

匹由是顯名
上以為能
史記趙禹以刀筆吏積勞
稍遷為御史上以為能
嘉其持重
續漢
書云

種嵩順帝時為侍御史監護太子承光宮中常侍高梵
受敕迎太子不齋詔書以衣車載太子欲出太子太傅
杜喬不知所以力不能止開門臨去嵩至橫劍當車曰
御史受詔監護太子太子國之儲副人命所繫今常侍
來無詔信安知非挾姦耶今日之事有死而已梵辭屈
不敢對馳奏之詔報太子乃得去喬退而歎息愧嵩臨
事不惑帝亦嘉其持重稱善者良久補案嵩為涼州刺
史甚得百姓歡心被徵當遷吏人詣關請留之太后嘆
曰未聞刺史得人心如此乃許之嵩復留一年還漢陽
太守戎夷男女送至漢陽界嵩與相揖謝千里不得乘
車及到郡化行附議法依輕東觀漢記刺邪矯枉東觀鄭
羌胡禁侵掠附楊秉有宰相之才謝漢書楊秉拜侍御史多所彈糾名
秉免歸雅素清儉家至貧宴并日而食任城故孝廉刁
景慮齋錢百餘萬就以餉秉秉閉門距絕不受補

曜有邊臣之節

謝漢書曰曜拜侍御史自在朝廷堂堂寔謂有邊臣之節

直指繡衣八十八

繡衣直指武帝所制

漢書百官公卿表云侍御史有繡衣直指出討姦猾治大獄武帝所

制不常置討姦猾治大獄

見貴戚惶恐

漢書江充為直指繡衣使者督三輔盜賊

禁察踰侈貴戚近臣多奢僭充皆舉劾奏請沒入車馬令身待北軍擊匈奴奏可充即移書光祿勳中黃門逮

召近臣侍中諸當詣北軍者移劾門衛禁止無令得出入宮殿于是貴戚子弟惶恐皆見上叩頭求哀願得入

錢贖罪上許之令各

威震州郡

漢書雋不疑傳云武帝末郡國盜賊羣起暴勝

之為直指使者衣繡衣持斧逐捕盜賊督課郡國東至海以軍興誅不從命者威振州郡

王賀縱而

不誅

漢書王賀為武帝繡衣御史逐捕魏郡羣盜堅盧等黨與及吏畏懦逗留當坐者賀皆縱不誅它部

御史暴勝之等奏殺二千石誅千石以下及通行飲食坐連及者大部至斬萬餘人賀以奉使不稱免嘆曰吾聞活千人者封子孫吾所活者萬餘人後世其興乎補

蘭臺令史八十九

景伯作頌除蘭臺令史

華譚漢書賈逵字景伯有膽才能通今古時有神爵集官殿上

召見敕蘭臺給筆札作神爵頌除蘭臺令史

武仲能文為蘭臺令史

魏文典論云班

固與弟書曰武仲以能文為蘭臺令史

班固作本紀

續漢書班固除蘭臺令史與前睢陽令陳

宗長陵令尹敏司隸從事孟異共成世祖本紀案固年九歲能屬文誦詩賦及長遂博貫載籍九流百家之

言無不窮究所學無常師不為章句舉大義而已性寬和容衆不以才能高人諸儒以此慕之補謝承書曰固年十三王充見之拊其背謂彪曰此兒必記漢事附李尤撰漢記魏文典論云李尤字伯仁少以文章顯賈逵薦尤有相如揚雄之風拜蘭臺令史與劉珍等共撰漢記

司直九十

朝廷憚之

漢書翟方進為丞相司直旬歲間免兩司隸朝廷由是憚之丞相薛宣甚器重焉常誠掾

史謹事司直翟君必在相位不久也

案方進為相公

潔請托不行郡國持法刻深舉奏牧守九卿峻文深詆

中傷者尤多如陳咸朱博蕭育逢信孫闔之屬皆京師

世家以材能少歷牧守列卿知名當世而方進特立後

起十餘年間至宰相據法

百僚憚之

東觀漢記杜林遷大司徒司直百僚

以彈咸等皆罷退之補

知林以明德

方進免涓勲

漢書翟方進為丞相司直初方進新視事而涓勲亦初拜

為司隸

不肯謁丞相御史大夫後朝會禮節又倨方進

陰察之勲私過光祿勲辛慶忌又出逢帝舅商道路下

車立頓過乃就車於是方進舉奏勲輕慢宰相賤易上

卿而又詘節失度邪調無常色厲內荏墮國體亂朝廷

之序不宜處位臣

劉隗劾王含

晉中興書劉隗為丞相司直時南中郎王含以

族彊顯貴驕傲自恣一請參佐及守長二十許人多取

非其才隗劾奏文致甚苦事雖被寢王氏深忌疾之隗

之彈奏不畏強

彈奏不畏強禦

晉中興書所糾多見採

禦皆此類也補

用虞預晉書劉隗為丞相司直在朝多所彈糾雖上不

盡從多見採用也案隗以王敦威權太盛終不可

制勸帝出腹心以鎮方隅故以譙王承為湘州續用隗

及戴若思為都督敦甚惡之與隗書隗答曰竭股肱之

力効之以忠貞吾之志也敦得書甚怒及敦作亂以討
隗為名詔徵隗還京師百官迎之於道隗岸憤大言意
氣自補王良節儉妻子不入官舍續漢書王良拜大司徒
司直在位恭儉妻子不

入官舍布被瓦器宣秉篤義祿奉收養宗族續漢書宣
秉字巨公

無兼膳節儉過度拜大司徒司直清白篤義
得祿收養内外宗族也

謁者僕射九十一

謁者僕射秦官應劭漢官儀云謁者僕射秦官也持匕

首劍漢官儀明帝詔曰昔燕太子使荆軻劫始皇變起
兩楹之間其後謁者持匕首劍刺腋高祖偃武行

文故易冠高山冠胡廣漢官儀云秦滅齊以其君冠賜
之以板冠高山冠近臣今謁者僕射所冠高山冠是也

掌朝覲威儀

晉百官表注云謁者僕射

釋之言便宜

漢書

張釋之傳云時中郎將爰盎知其賢請徙釋之補謁者
釋之既朝畢因前言便宜事文帝曰界之毋甚高論令
今可行也于是釋之言秦漢之間事秦所以失漢所以
興者文帝稱善拜釋之為謁者僕射從行上登虎園問
上林尉禽獸簿十餘問尉左右視盡不能對虎園嗇夫
從旁代尉對上所問禽獸簿甚悉欲以觀其能口對響
應亡窮者文帝曰吏不當如此耶尉亡賴詔釋之拜嗇
夫為上林令釋之前曰夫絳侯東陽侯稱為長者此兩
人言事曾不能出口豈效此嗇夫喋喋利口捷給哉且
秦以任刀筆之吏爭以亟疾苛察相高其敝徒文具亡
惻隱之實以故不聞其過陵夷至于二世天下土崩今
陛下以嗇夫口辯而超遷之臣恐天下隨風靡爭口辯
亡其實且下之化上疾于景響舉錯不可不察也文帝
曰善乃止不拜嗇夫就車召釋之驂乘徐行行問釋之

泰之敝具以質言至宮上拜釋之為公車令

耿秉議邊事

漢書耿秉傳云永平中召秉詣省闥

問前後所上便宜方畧拜謁者僕射遂見親幸每公卿會議常引秉上殿訪以邊事多簡帝心補案秉有偉體

腰帶八圍博通書記能設司馬兵法尤好將帥之畧以父任為郎數上言兵事常以中國虛費邊陲不寧其患

專在匈奴以戰去戰盛王之道秉性勇壯而簡易于事軍行常自披甲在前休止不結營部然遠斥候明要誓

有警軍陣立成士卒皆樂為死附

季明有高才

張顯云謁者僕射季明清達有高才多識前代

格堯之尊官

漢官儀明帝詔曰謁者乃堯之尊官所以試舜賓于四門

漢武初置

漢書

百官公卿表云武帝太初元年置謁者僕射七十人秩六百石

大聲者補之

漢書儀云謁者缺選

郎中美鬚眉大聲者以補之

威容者為之

晉百官表注曰舊漢皆用孝廉年五十威容嚴恪能

賓之者續漢書百官志云謁者僕出則奉引射為天子出則奉引也朝則儼贊

晉百官表注云謁者十人漢官儀云謁者掌捧詔書朝會則儼贊三十人秩四百

石掌報章奏事晉百官表注云謁者問領臺內禁令免卿校以上官監祠請雨

及喪葬弔祭高功漢書汲黯為謁者時河視河內失火內失火燒千餘家上使

黠往視之還報曰家人失火屋比延燒不足憂臣過河

內貧人傷水旱萬餘家或父子相食臣謹以便宜持節

發河內倉粟以賑貧民請歸節伏矯制罪上賢而釋之

案黠學黃老言治官民好清靜擇丞史任之責大指

而已不細苛黠多病臥閣內不出歲餘東海大治稱之

上聞召為主爵都尉列于九卿治務在無為而已引大

體不拘文法為人性倨少禮面折不能容人之過合已

者善待之不合者弗能忍見士亦以此不附焉然好遊

俠任氣節行修潔其諫犯主之
顏色常慕傅伯爰益之為人補

求天下遺書

漢書成帝
河平三年

謁者陳農使使求遺書于天下

案師古

江克使匈奴

注曰言令陳農為使而使之求遺書也

漢書江克拜謁者使匈奴詔問其狀克

終軍行郡國

漢書

終軍傳云初軍從濟南常詣博士步入關關吏予軍繻

軍問以此何為吏曰為復傳還當以合符軍曰大丈夫

西遊終不復傳還棄繻而去軍為謁者使行郡國建節

東出關關吏識之曰此使者迺前棄繻生也軍行郡國

所見便宜以聞還奏事上甚說南越與漢和親迺遣軍

使南越說其王欲令入朝北內諸侯軍自請願受長纓

必羈南越王而致之闕下軍遂往說越王越王聽許請

舉國內屬越相呂嘉不欲內屬發兵攻殺其王及漢使

者皆死軍死時年二十

主父偃所言九事

漢書主父偃
傳云元光元

餘故世謂之終童補

北堂書鈔

十五

年迺西入關見衛將軍衛將軍數言上上不省資用乏
留久諸侯賓客多厭之迺上書闕下朝奏暮召入見所
言九事其八事為律令一事諫伐匈奴尊立衛皇后及
發燕王定國陰事偃有功焉大臣皆畏其口賂遺累千
金或說偃曰太橫偃曰臣結髮游學四十餘年身不得
遂親不以為子昆弟不收賓客棄我我阮日久矣丈夫
生不五鼎食死則五鼎烹耳吾

宋叔平奏罷九卿

謝漢書宋

補

度字叔平除謁者京師稱曰宋叔平一使秦罷九卿

因流為水排

魏志韓暨為謁者舊時詔作馬

排每一熟石用馬百尺更作人排又費功力暨乃因長
流水為水排年計其利益三倍于前在職七年器用充

實上直持赤幘

益部耆舊傳曰何汝字景伯為謁者上直令持赤幘百僚不解至哺曰果食也

次倩魁岸武帝異之

漢書江充字次倩為人魁岸容貌甚壯帝望見而異之謂左右曰燕

趙固多奇士既至前問以當世政事上說之遂拜為謁者孟孫瓌偉和帝偉之華嶠
何熙字孟孫身長八尺五寸體貌瓌偉與人絕異和
帝時拜謁者為威容贊拜殿中音動左右帝偉之漢書

北堂書鈔卷六十二

欽定四庫全書

北堂書鈔卷六十三

唐 虞世南 撰

明 陳禹謨 補註

設官部十五

五官中郎將九十二

左右中郎將附

虎賁中郎九十三

中郎將九十四

典農中郎將附

南中郎九十五

東中郎北中郎附

郎中九十六

羽林監九十七

羽林中郎將九十八

冗從僕射九十九

奉車都尉一百

駙馬都尉騎都尉武衛都尉水衡都尉協律都尉司金都尉附

都尉一百一

都護一百二

監君附

五官中郎將九十二

皆主宿衛

漢官儀云五官左右中郎將秦官也秩比二千石凡郎官皆主更直執戟宿衛

比二

千石

見上

領三署郎

環濟要畧云五官中郎將領三署中郎將

主左署郎

續漢書百

官志云左中郎將比二千石主左署郎屬官有中郎侍郎郎中皆無員

主右署郎

又云右中郎將

比二千石主右署郎屬官
有中郎侍郎郎中皆無員

置官屬副丞相

魏志建安十
六年天子命

魏公子丕為五官中郎將置官屬副丞相

備禮徵拜

謝漢書樊英傳云順帝
備禮徵拜英為五官中

郎將

案後漢書樊英傳云天子為英設壇席令公車
令導尚書奉引賜几杖待以師傅之禮延問得失英不

敢辭拜五官中郎將也

勞以手書

東觀漢記嚴字威卿為五官中郎
將邊境每有事輒下車處便宜

上勞以手書

案嚴少好擊劍習騎射後從平原楊太
伯講學專心墳典能通春秋左氏因覽百家羣言遂交

結英賢京師大人咸器異之

明習故事

續漢書張純字伯仁遷五官
中郎將純在朝歷世明習故

事建武舊章多闕每有疑議輒以訪純自郊廟婚冠喪
紀禮儀多所正定帝甚重之以純兼虎賁中郎將數被

引見一日

專掌難問

後漢魏應拜五官中郎將詔入授
千乘王伉應經明行脩弟子自遠

或至數四

北堂書鈔

二

方至著錄數千人肅宗甚重之數進見論難于前特受
賞賜時會京師諸儒於白虎觀講論五經同異使應專
掌難問補江革恩寵莫與為比東觀漢記江革拜五官中郎

及進拜恒自禮焉時有疾不會輒勅太官送醪膳恩寵
莫與為比於是京師貴戚衛尉馬廖侍中竇憲慕其行
各奉書致禮革無所報臧宮質樸故常見用後漢書臧

受帝聞而益善之補臧宮質樸故常見用
郎將擊武谿賊至江陵降之宮以謹信質樸故常見任
用後匈奴饑疫自相分爭帝以問宮宮曰願得五千騎
以立功帝笑曰常勝之家難與慮敵吾方自辛慶忌以

思之補案武谿水名在今辰州廬谿縣附
光祿大夫遷漢書辛慶忌以光祿大夫遷左曹中郎將

謀慮深遠前在邊郡數破敵獲虜春秋大災未
至而豫禦之慶忌宜在爪牙官以備不虞補段會宗

以金城太守轉

漢書段會宗以金城太守轉左曹中郎將光祿大夫使安輯烏孫會宗還奏事

公卿議會宗權得便宜以輕兵深入烏孫即誅番邱宣明國威宜加重賞天子賜會宗爵關内侯黃金百斤是時小昆彌繼父卑爰屯擁衆欲害昆彌漢復遣會宗使安輯與都護孫建并力補案會宗初為都護谷永與書

日子之材可優游都城而取卿相何必勒功昆山之仄方今漢德隆盛遠人賓服傅鄭甘陳之功沒齒不可復見願吾子因循舊貫毋求奇功終更亟還亦足以復鴈門之跡萬里之外以身為本願詳思愚言附征武

陵蠻

東觀藏宮以城門校尉擊潁川賊績漢書皇甫嵩轉左中郎將征武陵蠻

節與右中郎將朱雋共發五校三河騎士及募精勇四萬餘人嵩雋各統一軍共討潁川黃巾賊補單于

聞承宮求見

漢書承宮遷左中郎將名播匈奴時北單于遣使求得見宮顯宗勅自整飾宮對曰

夷狄眩名非誠實者也臣狀醜不可以視孫權嘉宗預遠宜選威容者帝乃以大鴻臚魏應代之

抗直

蜀志宗預為右中郎將使吳孫權問預曰東之與西譬猶一家而聞西更增白帝之守何也預對曰

臣以為東益巴邱之戍西增白帝之守皆事勢宜然俱不足相問也權大笑嘉其抗直甚愛待之時車騎將軍鄧芝自江州還來朝謂預曰禮六十不伏戎而卿甫受兵何也預荅曰卿七十不還兵我六十何為不受耶芝性驕傲自大將軍費禕等皆避下之而預獨不為屈預復東聘吳孫權捉預手涕泣而別曰君每銜命結二國之好今君年長孤亦衰老恐不復相見遺預大珠一斛吳歷曰預臨別謂孫權曰蜀土僻小雖云鄰國東西相賴吳不可無蜀蜀不可無吳君臣憑恃惟陛下重垂神慮補

虎賁中郎將九十三

虎賁中郎將比二千石

續漢書百官志云虎賁中郎將比二千石主虎賁宿衛屬官有

左右僕射左右陞長各一人僕射主虎賁郎習射陞長主直虎賁朝會在殿中皆無員掌宿衛侍從自節從虎賁久者轉遷才能差高至中郎漢官儀云虎賁中郎將古官也書稱武王虎賁八百會受于牧野言其猛恣如虎之奔走古有勇士孟賁故曰賁蓋依此是已周禮云虎賁氏掌先後王而趨以卒伍軍旅會同亦如之舍則守王閑王在國則守王宮國有大故則守王門適四方使則從士大夫若道路不通有徵事則奉書以使于四方補蔡質漢儀曰主虎賁千五百人無常員多至千人又虎賁舊作虎奔附冠鷩尾漢官儀云孝武皇帝初置期門平帝更名虎賁中郎將戴鷩冠鷩鷩鳥之中果勁者每有櫻撮應爪摧碎鬪不死不止尾上黨所賁也漢官典職云服虎文續漢書百官志云虎賁服虎賁郎戴毛鷩也服虎文續漢書百官志云虎賁服虎文章服裏邑歲獻織

成虎 王師是成戎事是禦崔駟虎賁中郎將箴云赫矣帝臣爰奮厥武桓桓征夫矯

矯其旅王師是成戎事是禦 出翼王路入司階闥又云惟鳥之鵠惟

入司階闥功懲 孔融三日而遷續漢書曰孔融拜中軍候在職三日而遷虎賁

中郎將會董卓廢立融每因對答輒有匡正之言以忤卓旨轉為議郎時黃巾寇數州而北海最為賊衝卓乃

諷三府同舉融為北海相融負其高氣 張純一日數見志在靖難而才疎意廣迄無成功補

續漢書張 馬防不遷東觀外戚傳云馬后以不私于朝廷免兄馬防虎賁中郎將詔永平

世不 潘岳寓直潘岳秋興賦云余春秋四十有二始見二毛以太尉掾兼典農中郎將虎賁中

郎寓直散 騎之省

中郎將九十四

典農中郎將附

口對兵事畫地成圖

漢書張安世子千秋與霍光子禹俱為中郎將將兵隨度遼將軍范

明友擊烏桓還謁大將軍光問千秋戰鬪方畧山川形勢千秋口對兵事畫地成圖無所忘失光復問禹禹不能記曰皆有文書光由是賢千秋以禹為不才歎曰霍氏世衰張氏興矣及禹誅滅而安世子孫相繼自宣以來為侍中中常侍諸曹散騎列校尉者凡十餘人功臣之世唯有金氏張氏親近寵貴比於外戚補班固贊曰漢興以來侯者百數保國持寵未有若富平者也湯雖酷烈及身蒙咎其推賢揚善固宜有後安世履道滿而不溢賀之陰德亦有助

附口陳西域手畫地形

謝後漢書臧旻有幹

才達於從政為漢良吏遷匈奴中郎將討賊有功還有問西域諸國土地風俗人物種類旻悉口陳且手畫地

形聞者歎服曰設班固設方畧羣盜悉破東觀漢記段

作西域傳又何以如此頗有文武智

畧時竇公孫舉等聚衆三萬人為亂遣兵討之連年不

克桓帝詔公卿選將有文武者司徒尹詒薦頗乃拜為

中郎將頗到施設方畧旬月羣賊悉破案頗本傳云

頗字紀明少便習弓馬尚遊俠輕財賄長乃折節好古

學與皇甫規威明張奐然明並知名顯達京師稱為涼

州三明云范煜贊曰山西多猛三明儷蹤戎驂糾結塵

斤河潼規奐審策亟遏囂凶文會志北更相為宣方畧

容段追兩狄束馬縣鋒紛紜騰突谷靜山空補

匈奴乞降謝後漢書張奐為使匈奴中郎將率步騎衛

二萬廣宣方畧大破鮮卑匈奴惶懼乞降衛

綰長者

漢書衛綰以戲車為郎事文帝功次遷中郎將

醇謹無它孝景為太子時召上左右飲而綰稱

病不行文帝且崩時屬孝景曰綰長者善遇之及景帝

立歲餘不孰何綰綰日以謹力景帝幸上林詔中郎將

參乘還而問曰君知所以得參乘乎綰曰臣代戲車士
幸得功次遷待罪中郎將不知也上問曰吾為太子時
召君君不肯來何也對曰死罪病上賜之劍綰曰先帝
賜臣劍凡六不敢奉詔上曰劍人之所施易獨至今乎
綰曰具在上使取六劍劍常盛未嘗服也郎官有譴常
蒙其罪不與他將爭有功常讓他將上以為廉忠寔無
他腸

補他腸

郅都敢諫

漢書郅都為中郎將敢直諫面折大臣

上目都都不行上欲自持兵救賈姬都伏上前曰亡一
姬復一姬進天下所少寧姬等耶陛下縱自輕奈宗廟
太后何上還筵亦不傷賈姬太后聞

補

子幼法令從事郎

官化之

漢書楊惲字子幼為中郎將以法令從事郎謁

守九卿郎官化之莫不自厲絕請謁貨
賂之端令行禁止宮殿之內翕然同聲

威明巡視將士

三軍感悅

後漢皇甫規字威明為中郎將持節監關西兵討零吾等破之斬首八百級先零諸種羌

慕規威信相勸降者十餘萬明年規因發其騎共討隴右而道路隔絕軍中大疫死者十三四規親入菴廬巡

視將士三軍感悅東羌遂遣使乞降補

相如建節使邛笮

漢書司馬相如為中郎將建節

使邛笮至蜀太守以下郊迎縣令負弓矢先驅蜀人為寵於是卓王孫臨邛諸公因門下獻牛酒以交驩卓

王孫喟然而嘆自以得使女尚司馬長卿晚乃厚分與其女財與男等相如使畧定西南夷邛笮冉駹斯榆之

君皆請為臣妾除邊關邊關益斥西至沫若水南至牂柯為徼通靈山道橋孫水以通邛笮還報天子大說補

蘇武持節使匈奴

漢書蘇武傳云天漢元年單于盡歸漢使路克國等武帝嘉其義迺遣武

以中郎將使持節送匈奴使留在漢者因厚賂單于單于皆欲降之使衛律召武受辭武謂常惠等屈節辱命

雖生何面目以歸漢引佩刀自刺衛律驚自抱持武馳
召鑿鑿地為坎置燼火覆武其上蹈其背以出血武氣
絕半日復息衛律知武終不可脅白單于單于愈益欲
降之迺幽武置大窖中絕不飲食天雨雪武臥齧雪與
羶毛并咽之數日不死匈奴以為神乃徙武北海無人
處使牧羝羝乳乃得歸別其官屬常惠等各置他所
武既至海上廩食不至掘野鼠去草實而食之杖漢節
牧羊臥起操持節旄盡落補納叛羌書續漢
甫規以西羌之叛為迎單于漢官儀云建武二十四年
中郎將討納叛羌

原塞也

倉庫並盈

魏志云任峻為典農中郎將所在積粟倉庫皆盈

所在著稱

魏志

云徐邈為典農中郎將所在著稱案魏國初建為尚
書郎時科禁酒而邈私飲至于沈醉校事趙達問以曹
事邈曰中聖人達白之太祖太祖甚怒渡遼將軍鮮于
輔進曰平日醉客謂酒清者為聖人濁者為賢人邈性

修慎偶醉言耳
竟得免刑補

南中郎將九十五

東中郎將北
中郎將附

鄢陵代郡

魏志任城威王曹彰傳云建安二十一年封彰為鄢陵侯二十三年代郡烏桓反以彰為

北中郎將行驍騎將軍臨發太祖戒彰曰居家為父子受事為君臣動以王法從事爾其戒之補案彰少善射

御膂力過人手格猛獸不避險阻數從征伐志意慷慨太祖常抑之曰汝不念讀書慕慕聖道而好乘汗馬擊劍

此一夫之用何足貴也課彰讀詩書彰謂左右曰丈夫一為衛霍將十萬騎馳沙漠驅戎狄立功建號耳何能

作博士耶太祖嘗問諸子所好使各言志彰曰好為將太祖曰為將奈何對曰被堅執銳臨難不顧為士卒先

賞必行罰必信太祖大笑及彰北征還歸功諸將太祖喜持彰鬚曰黃鬚兒竟大奇也附山濤守鄴

晉書云山濤轉北中郎將督鄴城守事

蔣濟請留

魏志蔣濟為東中郎將詔曰卿兼資文武志節

愜懷常有超越江湖吞吳會之志故復授將率之任頃之徵為尚書車駕幸廣陵濟表水道難通又上三州論以諷帝帝不從于是戰船數千皆滯不得行議者欲就留兵屯田濟以為東近湖北臨淮若水盛時賊易為寇不可安屯帝從之車駕即發還到精湖水稍盡盡留船付濟船本厯適數百里中濟更鑿地作四五道蹴船令聚豫作土豚遏斷湖水皆引後船一時開遏補曹植沈醉太祖罷之魏志曰曹

所圍太祖以曹植為南中郎將行征虜將軍欲遣救仁

呼有所勅戒植醉不能受命於是悔而罷之魏氏春秋

曰植將行太子飲焉偪而醉之王召植植不能受王命

故王怒也補案植既以才見異而丁儀丁廙楊脩等為之羽翼太祖狐疑幾為太子者數矣而植任性而行不自彫勵飲酒不節文帝御之以術矯情自飾宮人左右

並為之說故

附

石崇得鴛傳祇奏之

晉書云石崇為南中郎將得鴛鳥雛以與

遂定為嗣

如此附

愷爭豪

後軍將軍王愷時制鴛鳥不得過江為司隸校尉傅祇所糾詔原之燒鴛于都街補案崇穎悟有才氣而任俠無行檢在荊州劫遠使商客致富不貲後拜衛尉與潘岳諂事賈謐謐與之親善號曰二十四友財產豐積室宇弘麗後房百數皆曳紈繡珥金翠絲竹盡當時之選庖膳窮水陸之珍與貴戚王愷羊琇之徒以奢靡相尚愷以粘澳釜崇以蠟代薪愷作紫絲布步障四十里崇作錦步障五十里以敵之崇塗屋以椒愷用赤石脂崇

郎中九十六

入賀秦王

韓子云秦昭王有病百姓為之禱病愈殺牛塞禱郎中閻遏公孫衍出見之曰非社臘之

時也奚自殺牛而祠社怪而問之百姓曰人主病為之禱今病愈殺牛塞禱閭閻公孫衍說見王拜賀曰過堯舜矣王驚曰何謂也對曰堯舜其民未至為之禱也今王病而民以牛禱病愈殺牛塞禱故臣竊以為王過堯舜也王因使人問之何里為之訾其里

上書光武

論衡云郎

正與伍老屯二甲補案注屯罰也附

志美行勵

謝後漢書云張堪年十六受業長安志美行勵諸儒號曰聖童世祖

中王賁上

清操自然

晉錄會稽相朱則上書言

微時見堪志操常嘉焉及即位

謝廉通一經

東觀漢記云陽嘉二年汝南童子

楊泉清操自然徵聘終不移心詔拜泉郎中

宋均善論難

華嶠後漢書云宋均為郎中時

謝廉年十三通一經以太學初繕應召而至除郎中

使成前書

後漢書班固傳云固

年十五好經書每休沐日輒受業

博士通詩禮善論難至二十餘調

九

以父彪所續前史未詳乃潛精研思欲就其業既而有
人上書顯宗告固私改作國史者有詔下郡收固繫京
兆獄盡取其家書先是扶風人蘇朗偽言圖識事下獄
死固弟起恐固為郡所戮考不能自明乃馳詣闕上書
得召見其言固所著述意而郡亦上其書顯宗甚奇之
召詣校書部除蘭臺令史與前睢陽令陳宗長陵令尹
敏司隸從事孟異共成世祖本紀遷為郎典校秘書因
又撰功臣平林新市公孫遺事作列傳載記二十八篇
秦之帝乃復使終成前所著書固自永平中始受詔潛
精積思二十餘年至建初中乃成當世甚重其書學者
莫不誦誦焉補今校圖識謝後漢書尹敏拜郎中帝馮唐孝著

漢書云馮唐以孝著為郎中署長事文帝黃香求養謝

帝輦過問唐曰父老何自為郎家安在

漢云黃香除郎以父老求歸供養徵拜郎中劉儉色養
帝召香在殿下問父年幾何何故不入公府

徐廣晉記云東海劉儉清
修邑養居喪過禮除郎中

羽林監九十七

羽林左
右監附

宣帝令都尉監

漢書百官公卿表云羽林掌送從次期
門武帝太初元年初置名曰建章營騎

後更名羽林騎又取從軍死事之子孫養羽林官教以
五兵號曰羽林孤兒羽林有令丞宣帝令中郎將騎都
尉監羽林秩
比二千石
光武置左右監
東觀漢記云武帝置羽林
左右監以征伐之士勞苦

者及選漢陽隴西安定北地上郡西
河等郡良家子弟便弓馬者為之

象天羽林

漢書儀
云孝武

太初初置羽林象天有羽林
星為國之羽翼如林之盛也為國羽翼

見冠加鵠毛

通
典

云羽林監銅印墨綬武冠
絳朝服其在陞列則鵠冠

位比大夫

續漢書百官志云
光武置左右監秩

皆六百石曹褒差序禮樂

漢名臣奏曹褒上疏曰王者莫不制禮作樂詔褒即差序

禮樂擢褒羽林左騎

案范後漢書曹褒傳云褒少篤

志有大度結髮傳父克業博雅疏通尤好禮士常憾朝

廷制度未備慕叔孫通為漢禮儀晝夜研精沈吟專思

寢則懷抱筆札行則誦習文書當其念至忘所之適徵

拜博士會肅宗欲制定禮樂元和二年下詔曰河圖稱

赤九會昌十世以光十一以興尚書璇璣鈴曰述堯理

世平制禮樂故唐之文帝命驗曰順堯考德題期立象

且三五步驟優劣殊軌每見圖書中心慙焉褒知帝旨

欲有興作乃上疏曰昔者聖人受命而王莫不制禮作

樂以著功德今皇天降祉嘉瑞並臻制作之符甚於言

語宜定文制著成漢禮丕顯祖宗盛德之美復上疏具

陳禮樂之本制改之意章和元年正月乃詔褒詣嘉德

門令小黄門持班固所上叔孫通漢儀十二篇勅褒曰

此制散畧多不合經今宜依禮條正使可施行于南宮

東觀盡心集作襄既受命乃次序禮事依準舊典雜以五經識記之文撰次天子至于庶人冠婚吉凶終始制度以為百桓範典集皇覽魏畧云桓範為羽林左監以有文學與皇家等典集皇覽

羽林中郎將九十八

羽林郎附

主羽林

續漢書百官志云羽林中郎將比二千石主羽林郎無員掌宿衛侍從常選漢陽隴西安定北

地上郡西河凡六郡良家補之武帝以便馬從獵還宿殿陛巖下室中故號巖郎言其禦侮巖除之下掌

宿衛

續漢書百官志見上

還宿殿陛

續漢書百官志見上

禦侮巖除

續漢書百官志

見上選良家便弓馬

續漢書云羽林郎武帝選良家子弟便弓馬者克之

以良家善

騎射

漢書甘延壽少以良家子善騎射為羽林投石拔距絕於等倫嘗超踰羽林亭樓由是遷為郎案

應劭曰投石以石投人也拔距即下起踰羽林亭樓是也張晏曰范蠡兵法飛石重十二斤為機發行二百步延壽有力能以手投之拔距起距也師古曰投石應說是也拔距者有人連坐相把據地距以為堅而能拔取之皆言其有手掣之力超踰亭樓又言其超捷耳非拔距也今人猶有拔爪之戲蓋拔距之道法補

子孫號曰孤兒

漢書百官志見前

冗從僕射九十九

建初置期門僕射

漢書百官公卿表云武帝建初三年置期門郎有僕射宦者為之號曰冗

從黃門

永壽置冗從僕射

續漢書百官志云桓帝永壽三年初置冗從僕射

居則

直門戶行則夾輦轂

漢書百官公卿表云建初三年置期門郎有僕射掌執兵送從武官

者為之則號冗從黃門僕射居則掌散從師射事環濟要畧

直守門戶行則騎從夾輦轂也云冗從其有射從遊獵續漢書百官志云冗從僕射秩事則掌師之六百石武帝置期門郎有僕射

掌遊獵領黃門董巴中官傳黃門非尚書者冗居宿衛直守戶行則騎從伏雕鉞帶赤質虎爪交劍

童子佩刀先獵逐疫僕射將之續漢書百官志云先獵從僕射領

射將之逐惡鬼于禁中也索官以自顯晉諸公贊云新蔡武哀王司馬騰起官為冗從僕射意欲

索官以自顯由和祥有識見晉武帝起居注云司馬璞此為南陽太守貞固和祥有識見才幹以

璞為冗從僕射

奉車都尉一百

附馬都尉騎都尉武衛都尉水衡都尉協律都尉司金都尉附

並置三都尉

漢書百官公卿表云武帝元鼎二年置三輔都尉奉車都尉駙馬都尉皆比二千石

掌御乘輿車

漢書百官公卿表云奉車都尉掌御乘輿車駙馬都尉掌駙馬皆武帝初置秩比二

千掌羽林從騎

漢書百官公卿表云武帝元鼎二年置騎都尉掌羽林從騎無員御法

駕

漢書儀云漢乘輿法駕奉侍幃幄周熙新論云武衛

侍幃幄

掌池苑

漢書百官公卿表云水衡都尉武帝元鼎二年初置掌上林苑應劭注曰

古山林之官曰衡掌諸池苑故稱水衡張晏曰主都水及上林苑故曰水衡主諸官故曰都有卒徒武事故曰

尉師古曰衡平也主平其稅入

主舟船

魏畧云水衡都尉舊主上苑張

緝籌畧

魏畧云張緝字敬仲上便宜中書令孫資以為有籌畧遂拜騎都尉也

譙周好古

晉武帝詔云騎都尉譙周篤志好古命位未加不幸殞喪朕甚悼之賜朝服一具衣一襲錢十五萬喪葬所給比從散騎常

延年善變聲

漢書李延年善歌為新變聲是時上方興天地諸祠令司

馬相如等作詩頌延年輒承意弦歌所造詩為之新聲曲拜為協律都尉佩二千石印綬而與上臥起

韓

暨器用克實

魏志韓暨為監冶謁者在職七年器用克實制書褒歎就加司金都尉班亞九卿

都尉一百一

佐太守為副將

漢書解詁云都尉一人副佐太守言與太守俱受銀印部劄之任為一郡副將

然俱主其武職不預民事舊時以八月都試講習其典射力以備不虞皆絳衣戎服示揚威武折衝厭難也

其戎伍

胡伯始邊郡都尉箴云巍巍上聖光被八垠矧惟八面胡不來賓蕩蕩率土來同并守撫其民

人典其戎伍

主其武職

漢書解詁見上

備寇虜

漢名臣翟方進奏云武帝北部都尉主兵

馬備寇虜為職而年七十拜起據地不勝任請免

典盜賊

漢名臣翟方進奏云勅渤海都尉當典盜

賊為職視事三歲盜賊浸多請免

奏事稱意

漢書田叔子仁以壯勇為衛將軍舍人使刺三河還

奏事稱意拜為京輔都尉

不可治民

史記義縱傳云甯成家居上欲以為郡守御史大夫公孫弘曰

臣居山東為小吏時甯成為濟南都尉其治如狼牧羊成不可使治民上乃拜成為關都尉歲餘關東吏隸郡國出入關者號曰寧見乳虎無值甯成之怒義縱自河內遷為南陽太守聞甯成家居南陽及縱至關甯成側行送迎然縱氣盛弗為禮至郡遂
澹泊無為
東觀漢記案甯氏盡破碎其家成坐有罪補云任延為會稽西都尉時年十九迎吏見其少皆驚及到澹泊無為唯先遣饋禮祠延陵季子時天下新定道路未通避

亂江南者皆未還中土會稽頗稱多士延到乃聘請高
行如董子儀嚴子陵等敬待以師友之禮掾吏貧者輒
分奉祿以賑給之省諸卒令耕公田以周窮

正身潔已

謝後漢書云張奐遷安定屬國都尉匈奴羌豪率感奐
恩德上馬二十疋先零酋長又遺金鏃八枚奐並受之
而召主簿于諸羌前以酒酹地曰使馬如羊不以入廐
使金如粟不以入懷悉以金馬還之羌性貪而吏清前
有八都尉好財貨為所患苦

汲黯無為

史記云汲黯為東海太守歲餘

及奐正身潔已威化大行

大治上聞召為主爵都尉治務

楊僕嚴酷

史記酷吏傳云楊僕者宜

在無為而已弘大體不拘文法

陽人也以千夫為吏河南守案舉以為能遷為御史使
督盜賊關東治放尹齊以為敢挈行稍遷至主爵都尉

列九卿天子以為能南粵反拜為樓船將軍

有功封將梁侯為荀彘所縛居久之病死

道不拾遺

又云義縱者河東人也為少年時嘗與張次公俱攻剽為羣盜縱有姊姁以醫幸王太后王太后問有子兄弟為官者乎姊曰有弟無行不可太后乃告上拜義姁弟縱為中郎補上黨郡中令治敢行少蘊藉縣無逋事舉為第一遷為長陵及長安令直法行治不避貴戚以捕案太后外孫脩成君子仲上以為能遷為河內都尉至則族滅其豪穰氏之盜不敢近

史記王溫舒為廣平都尉

史記王溫舒為廣平都尉

史記王溫舒為廣平都尉

餘人以為牙爪皆把其陰重罪而縱使督盜賊快其意所欲得此人雖有百罪弗法即有避因其事夷之亦滅宗以其故齊趙之郊遣禮祠延陵

東觀漢記

優文召處

優文召處

士鍾離意別傳云西都尉南陽任延以優文召縣曰都尉德薄思賢汲汲處士鍾離意正色鄉黨百行優備應令補吏撤到史笥餌得都尉

後漢書樊煜與光武少游舊建武初徵為河東

都尉引見雲臺初光武微時嘗以事拘新野煜為市吏餽餌一筭帝德之不忘仍賜煜御食及乘輿服物因戲之曰一筭餌得都尉何如煜頓首曰小臣蒙恩時見拔擢陛下不忘往舊臣得竭死自效矣

陳平使

參乘

漢書云陳平降漢王與語而說之問曰子居楚何官平曰為都尉是日乃拜平為都尉使為參乘典

護軍諸將盡謹曰大王一日得楚之亡卒未知高下典而即與共載反使監護軍長者漢王聞之愈益幸平

韋常繞帳

魏志典韋拜都尉引置左右將親兵數百人常繞大帳性忠至謹重常晝立侍終日夜宿

帳左右稀歸私寢好酒食飲噉兼人每賜食於前大飲長歔左右相屬數人益乃供太祖壯之韋好持大雙戟與長刀等軍中為之語曰帳下壯士有典君提一雙戟八十斤補

都護一百二

附監軍

都護之置始自鄭吉

漢書云鄭吉以侍郎田渠黎積穀因發諸國兵攻破車師遷衛司馬

使護鄯善以西南道神爵中匈奴乖亂日逐王先賢揮欲降漢使人與吉相聞吉發渠黎龜茲諸國五萬人迎日逐王口萬二千人小王將十二人隨吉至河曲頗有亡者吉追斬之遂將詣京師漢封日逐王為歸德侯吉既破車師降日逐威震西域遂并護車師以西北道故號都護都護之置自吉始焉上嘉其功效乃下詔封吉為安遠侯食邑千戶吉於是中西域而立幕府治烏壘城鎮撫諸國誅伐懷集之漢之號令班西域矣補立幕府

見典重職

漢書云段會宗遷都護為人好大節矜功名與谷永相友善谷永閱其老復遠

出予書戒曰足下以柔遠之令德復興都護之重職甚休甚休願吾子因循舊貫毋求奇功也斬郅支

漢書云甘延壽為都護騎都尉與副校尉陳湯共誅斬郅支單于封義成侯

攻康居

漢書云甘延壽

為西域都護陳湯為副將郅支單于欲辱漢使湯與延壽謀攻康居陷城故得漢節斬郅支單于頭於京師

班超為都護

上書請超曰妾同產兄西域都護定遠侯

超以一身轉側絕域曉譬諸國因其兵衆每有攻戰輒為先登身被金夷不避死亡賴蒙陛下神靈且得延命沙漠至今積三十年今且七十衰老被病如有卒暴超之氣力不能從心便為上損國家累世之功下棄忠臣竭力之用誠可痛也帝

綏納新舊華陽即敘

王隱晉書衛瓘行鎮

西將軍監司鄧艾鍾會諸軍事勒兵圍賊矯詔降之謝綏納新舊包合同異華陽即敘

漢書宋均為監軍與馬援征武陵蠻臨沅水而兵士多病均懼衆軍多疫勒兵圍賊矯詔降之遣還本郡均未至先自劾矯詔之罪帝甚善之

案范後漢書宋均傳云均為監軍與諸將俱進賊拒阬不得前及馬援卒於

師軍士多溫濕疾病死者大半均慮軍遂不反乃與諸將議曰今道遠士病不可以戰欲權承制降之何如諸將皆伏地不敢應均曰夫忠臣出竟有可以安國家專之可也乃矯制調伏波司馬呂种守沅陵長命种奉詔書入虜營告以恩信因勒兵隨其後蠻夷震怖即共斬其大帥而降于是入賊營散其衆遣歸本郡為置長吏而還光武嘉其功迎賜以金帛令過家輕衣出營偽作上冢其後每有四方異議數訪問焉補

表章

晉書衛瓘傳云鄧艾鍾會之伐蜀也瓘以廷尉卿持節監艾會軍事行鎮西軍司給兵千人蜀既平

艾輒承制封拜會陰懷異志因艾專擅密與瓘俱奏其狀詔使檻車徵之會遣瓘先收艾會以瓘兵少欲令艾殺瓘因加艾罪瓘知欲危已然不可得而距乃夜至成都檄艾所通諸將稱詔收艾其餘一無所問時艾臥未起父子俱被執艾諸將圖欲劫艾整仗趨瓘營瓘輕公出迎之偽作表章將申明艾事諸將信之而止補

達軍國皆掌

荀氏家傳云攸字公達魏太祖以攸為軍師軍國選舉及刑獄法制皆攸掌焉

先朝野皆服

晉書顧榮傳云榮字彥先時元帝鎮江東以榮為軍司加散騎常侍凡所謀畫皆以

詔焉榮既南州望士躬處右職朝野甚推敬之補案時南土之士未盡才用榮又言陸士光貞正清貴金玉其質甘季思欵盡誠膽幹殊快殷慶元質畧有明規文武可施用榮族兄公讓明亮守節困不易操會稽楊彥明謝行言皆服膺儒教足為公望賀生沈潛青雲之士陶恭兄弟才幹雖少實事極佳凡此諸人皆南金也書之補

莊賈留飲不至

史記田穰苴傳云景公以穰苴為將軍將兵扞燕晉之師穰苴

曰臣素卑賤君擢之問伍之中加之大夫之上士卒未附百姓不信人微權輕願得君之寵臣國之所尊以監軍乃可於是景公許之使莊賈往穰苴既辭與莊賈約曰旦日日中會于軍門穰苴先馳至軍立表下漏待賈

賈素驕貴以為將已之軍而已為監不甚急親戚左右
送之留飲日中而賈不至穰苴則仆表決漏入行軍勒
兵申明約束約未既定夕時莊賈乃至穰苴曰何後期
為賈謝曰不佞大夫親戚送之故留穰苴曰將受命之
日則忘其家臨軍約束則忘其親援枹鼓之急則忘其
身今敵國深侵邦內騷動士卒暴露於境君寢不安席
食不甘味百姓之命皆懸於君何謂相送乎召軍正問
曰軍法期而後至者云何對曰當斬於是遂斬莊賈以
徇三軍三軍之

殷浩稱疾不起

晉書云殷浩除侍中安
西軍司稱疾不起案

士皆振懷補
浩識度清遠弱冠有美名尤善玄言與叔父融俱好老
易融與浩口談則詞屈著篇則融勝浩由是為風流談
論者所宗或問浩曰將莅官而夢棺將得財而夢糞何
也浩曰官本臭腐故將得官而夢尸錢本糞土故將得
錢而夢穢時人
以為名言補



北堂書鈔卷六十三

欽定四庫全書

子部

北堂書鈔卷六十四至
七

詳校官中書_臣金應琦

員外郎_臣牛稔文覆勘

總校官庶吉士_臣倉聖脉

校對官助教_臣胡子襄

謄錄監生_臣苗序洙

欽定四庫全書

北堂書鈔卷六十四

唐虞世南撰

明陳禹謨補註

設官部十六

將軍總一百三
驃騎將軍一百四

車騎將軍一百五
中軍將軍一百六

前後左右將軍一百七
護軍將軍一百八

領軍將軍一百九

左右將軍一百十

四征將軍一百十一

四鎮將軍一百十二

驍騎將軍一百十三

殿中將軍 龍驤將軍 輔國將軍 冠軍將軍 征虜將軍 附

伏波將軍一百十四

奮威將軍 貳師將軍 橫野將軍 建威將軍 雜號將軍 鎮遠將軍 偏將軍 附

將軍總一百三

將軍周官也

周禮司馬職云天子六軍軍將皆命卿

將軍之號由來遠矣

鵬冠子云人道何先曰先兵富則驕貴則羸兵者百歲不一用然不可一日忘也將軍之號由來遠矣

萬之軍無則必亂

尸子曰千萬之軍無將軍則必亂

登車不軾遭喪不

服振旅撫師以征不服

漢書李廣傳云將軍者國之爪牙也司馬法曰登車不執遭喪

不服振旅撫師以征不服萃三軍之心同戰士之力故怒形則千里竦威振則萬物伏是以名聲暴於夷貉威

稜憚於隣國

結髮引枹而鼓

說苑云田單為齊上將軍興師十萬將以攻翟往見魯仲連子

仲連子曰將軍之攻翟必不能下矣單去上車不與言決攻翟三月而不能下齊嬰兒謠之曰大冠如箕長劍拄頤攻翟不能下壘於梧邱于是田將軍恐駭往見魯仲連子曰先生何以知單之攻翟不能下也仲連子曰

夫將軍在即墨之時坐則織簣立則杖畝為士卒倡將軍有死之心士卒無生之氣今將軍東有掖邑之封西

有淄上之寶金銀黃帶騁乎淄澠之間是以樂生而惡死也田將軍明日結髮徑立矢石之所乃引枹而鼓之

翟人下之故將者士之心也士者將之肢體也心猶豫支體不用田將軍之謂乎補出征授鉞朝

堂

漢魏故事云夫遣將軍

穰苴將兵扞燕

史記云齊景公召穰苴與

語兵事大悅之以為將軍將兵扞燕晉之師

田單興師攻翟

說苑

亞夫細柳

備胡

史記文帝後六年冬匈奴三萬人入上郡三萬人入雲中以中大夫徐勉為車騎將軍軍飛狐故楚

相蘇意為將軍軍句注將軍張武屯北地河內守周亞夫為將軍居細柳宗正劉禮為將軍居霸上祝茲侯軍

棘門以備胡補

驃騎將軍一百四

位次丞相

漢官儀云漢置驃騎將軍位次丞相漢百官志云驃騎將軍秩與大將軍同

位在

公上

漢雜事云董重為驃騎將軍位在公上續漢書獲百官志云舊制驃騎大將軍與大司馬相兼

董允之士

漢書霍去病傳云去病騎兵車重與大將軍等而亡裨將悉以李敢等為大校當裨將出

代右北平二千餘里直左方兵所斬捕功已多於衛青既皆還上曰票騎將軍去病率師躬將所獲董允之士

約輕齋絕大幕涉獲單于章渠以誅北車者轉擊左大將雙獲旗鼓厯度難侯濟弓盧獲屯頭王韓王等三人

將軍相國當戶都尉八十三人封狼居胥山禪於姑衍登臨瀚海執訊獲醜七萬有四百四十三級師率減什

二取食于敵卓行殊遠而糧不絕以五千八百戶益封票騎將軍後元狩六年薨上悼之發屬國玄甲軍陳自

長安至茂陵為冢象祁連山補案服虔曰董音熏董允熏鬻也堯時曰熏鬻周曰獫狁秦曰匈奴師古曰董字

與薰同附修水戰之具謝後漢書張意為驃騎將軍討東甌賊意修水戰之具浮海就攻一戰大

破所向修禮樂之制度續漢書東平憲王蒼傳明帝詔無敵也

六尺之孤其以蒼為驃騎將軍是時四方無虞蒼以天下化平宜修禮樂乃與公卿共議定南北郊冠冕車服制度及祖廟登歌八佾舞數蒼以親輔政盡心王室每有議事上未嘗不見從名稱日重也 虛已禮

士續漢書東平憲王蒼傳云蒼為驃騎將軍置長史掾史四十人位在三公上辟當世名士虛已禮之高

選佐史

王隱晉書梁王彤傳云彤為驃騎將軍置左右長史司馬高選佐史也

趙儼叉手

上輦

魏畧云故事四征有官廚財籍遷轉之際無不因緣趙儼自西征為驃騎叉手上車發到霸上忘持

其常所服藥雍州聞之乃追送雜藥材數箱儼笑曰人言語殊不易我偶問所服藥耳何用是為耶遂不取

紀瞻止家為府

晉書云紀瞻為驃騎將軍服物制度一按舊典遣使就拜止家為府 案瞻性

靜默少交游好讀書或手自抄寫凡所著述詩賦牋表數十篇兼解音樂殆盡其妙厚自奉養立宅于烏衣巷

館宇崇麗園池竹木有足賞
駝馬慎行愛士老而彌篤補
東平王寬博有謀續漢書東平憲

王傳
見前
晉宣王戎昭果毅曹植輔臣論云在朝廷則匡贊

果毅折衝厭難者司馬驃騎
也
案司馬驃騎晉宣王也

車騎將軍一百五

金印紫綬位次司空漢官儀云和帝以竇憲為車騎將軍賜金印紫綬位次司空銀

印青綬位在卿上漢官儀云章帝以元舅馬防為車騎將軍服銀印青綬位在卿上位

同九卿班同三府華嶠漢書云馬防行車騎將軍事位同九卿班同三府也馬防在

九卿上絕坐漢雜事云章帝以城門校尉馬防為車騎將軍位在九卿上絕坐也鄧鴻在

九卿上絕席

東觀漢記云永平六年鄧鴻行拜金日磾車騎將軍位在九卿上絕席也

於卧牀下

漢書金日磾為車騎將軍拜于卧内牀下受詔輔少主

引張溫於崇德

殿下

張璠漢記云張溫以司空拜加車騎將軍征韓遂丙辰引溫于崇德殿下溫以軍禮長揖不拜也

破單于登山紀功

後漢書云竇憲拜車騎將軍金印紫綬官屬依司空以執金吾耿秉為副

發北軍五校黎陽雍營緣邊十二郡騎士及羌胡兵出塞明年憲與秉各將四千騎及南匈奴左谷蠡王師子萬騎出朔方難鹿塞南單于屯屠河將萬餘騎出滿夷谷度遠將軍鄧鴻及緣邊義從羌胡八千騎與左賢王安國萬騎出捆陽塞皆會涿邪山憲分遣副校尉閭盤司馬耿夔耿譚將左谷蠡王師子右呼衍王須訾等精騎萬餘與北單于戰於稽落山大破之虜衆奔潰單于遁走追擊諸部遂臨斯渠北鞬海斬名王以下萬三千

級獲生口馬牛羊橐駝百餘萬頭于是溫犢須日逐溫
吾夫渠王柳靽等八十一部率衆降者前後二十餘萬
人憲秉遂登燕然山去塞三千餘里補殄羗賊獻捷振旅
刻石勒功紀漢威德令班固作銘
謝後漢書云皇甫嵩字義真拜車騎將軍討并涼羗胡
公卿百僚皆祖送于平樂觀又臨虜廷掃殄羗胡靡有
子遺卒整二州
獻捷振旅也
討武陵平定荊州
謝後漢書云馮緄為
車騎將軍南征武陵
蠻賊軍至長沙賊聞悉詣營乞降進擊斬首四千餘
級受降十餘萬人荊州平定賜錢一億固辭不受
破
黃巾威震天下
華嶠漢書云皇甫嵩字義真拜車騎將
軍領冀州牧嵩溫卹士卒甚得衆情每
行軍頓止須營幔修立然後就舍帳軍士皆食爾乃嘗
飯嵩既破黃巾威震天下
衆黃巾既平嵩奏請冀州
一年田租以贍飢民帝從之百姓歌曰天下大亂分江
市為墟毋不保子兮妻失夫賴得皇甫兮復安居補江

平征羌帝親幸府

華嶠漢書云馬防字江平行車騎將軍事與長水校尉耿恭同征盧水羌

還帝親駕幸其府

義真討胡百官祖送

謝承後漢書皇甫嵩見前

劉琰不預

國政

蜀志劉琰遷車騎將軍然不預國政但領兵千餘隨丞相亮諷議而已

王堪不能禦

難

晉諸公贊云王堪字世胄行車騎將軍征討諸軍事為敵所襲堪嘆曰我國家大將不能禦難何面目復

還朝廷遂至被害孝懷悼之

中軍將軍一百六

衛尉將軍附

中軍總宿衛

晉起居注太始元年置中軍將軍總宿衛羊祜為之也

衛軍掌兵衛

續漢書百官志云衛尉將軍掌京師兵衛

宋昌領北軍

漢書文帝紀云既即位乃夜拜中尉宋昌

為衛將軍領南北軍也

宣王總西事

魏志云文帝以司馬宣王為撫軍大將軍征吳召宣王曰

朕委卿蕭何之任不亦可乎車駕還詔曰虞潭屢統軍吾東撫軍當總西事吾西撫軍當總東事虞潭屢統軍

旅晉書云虞潭進衛將軍潭貌雖和弱而內堅明有膽決雖屢統軍旅而少有傾敗補案潭以宗正告歸會

王含沈充等攻逼京都潭遂于本縣招合宗人及郡中大姓共起義軍衆以數萬自假明威將軍乃進赴國難至上虞明帝手詔潭為冠軍將軍領會稽內史潭即受命義衆雲集時有野鷹飛集屋梁衆咸懼潭曰起大義而剛鷲之鳥來集破賊必矣遣長史孔坦領前鋒過浙江追躡充潭次于西陵為坦後繼會充已擒罷兵附

前後左右將軍一百七

為國虎臣

漢書云辛慶忌為左將軍慶忌居處恭儉食飲被服尤節約然性好與馬號為鮮明唯是

為奢為國虎臣遭世承平匈奴

為國爪牙

漢官儀云武帝西征西夷有前

後左右將軍為國爪牙所以揚示威靈折衝萬里

金印紫綬

漢書解詁云前後左右將軍皆周末

官秦因之位上卿金印紫綬皆掌兵及四夷有長史秩千石

位諸卿上

漢官解詁云前後左右將

軍宣元以後雖不出征猶有其官位在諸卿上也

常惠勤勞有功

漢書云常惠代蘇武為典

屬國明習外國事勤勞數有功為右將軍也

師丹廉直守位

漢書云師丹以廉直守位為左

將軍定冊立宣帝

漢書云趙充國為後將軍與大將軍霍光定冊尊立宣帝

持節攻河

東

後漢書云鄧禹字仲華為前將軍持節中分麾下精兵二萬人遣西入關建武元年正月禹自箕關將入

河東河東都尉守關不開禹攻十日破之獲輜重千餘乘進圍安邑數月未能下更始大將軍樊參將數萬人

度大陽欲攻禹禹遣諸將
逆擊於解南大破之補

文則持軍甚嚴整

魏志云于禁字文則

遷左將軍解節鉞禁持軍甚嚴整得賊財物無所私入
案魏太祖使曹仁討闕某于樊遣禁助仁時秋大霖

雨漢水溢平地水數丈禁等七軍皆沒遂降惟龐德不
屈節而死太祖聞之哀歎者久之曰吾知禁三十年何

意臨危處難反不如龐德耶禁復在吳文帝踐阼權稱
藩遣禁還帝慰喻以荀林父孟明視故事後欲遣使吳

先令北詣鄴謁高陵帝使豫于陵屋畫闕某戰
克龐德忿怒禁降服之狀禁見慙恚發病薨補公明持

軍遠斥候

魏志云徐晃字公明為右將軍性儉約畏慎將軍遠斥候先為不可勝然後戰追奔爭利

士不暇食常歎曰古人患不遭明君今幸遇
之當以功自效何用私譽為終不廣交援補馳至金城

圖上方畧

漢書云趙充國為後將軍年七十餘時西羌反上老充國使御史大夫丙吉問誰可將者

充國對曰亡踰於老臣者矣上遣問焉曰將軍度羌虜何如當用幾人充國曰百聞不如一見兵難喻度臣願馳至金城圖上方畧然羌戎小夷逆天背畔滅亡不久願陛下以屬老臣勿以為憂上笑曰諾樂為邊

將不願宿衛

晉書云郭默為右將軍樂為邊將不願宿衛及赴召謂平南將軍劉琨曰我能禦胡

而不見用右軍主禁兵若疆場有虞被使出征方始配給將率無素恩信不著以此臨敵少有不敗矣時當為

官擇才若人臣自擇官安得不亂乎補

解綬賜仲都

東觀漢記云李忠字仲都為右將軍封武

侯解時無綬上解所佩綬以賜之

使兵隨滿寵

魏志云滿寵字伯寧拜前將軍領豫州刺史代

曹仁督揚州諸軍事汝南兵民戀慕大小相率奔隨道路不可禁止

李將軍後期責之幕

府

漢書云李廣為前將軍與右將軍趙食其合軍出東道惑失道後大將軍大將軍使長史持糒醪遺廣因

問廣食其失道狀曰青欲上書報天子失軍曲折廣未對大將軍長史急責廣之幕府上簿廣曰諸校尉亡罪乃我自失道吾今自上簿至幕府謂其麾下曰廣結髮與匈奴大小七十餘戰今幸從大將軍出接單于兵而大將軍徙廣部行回遠又迷失道豈非天哉且廣年六十餘終不能復對刀筆之吏矣遂引刀自刳百姓聞之知與不知老壯皆為垂泣而右將趙食其失道贖為庶軍食其獨下吏當死贖為庶人補

人見上

護軍將軍一百八

護軍秦官

漢書百官公卿表云護軍將軍從秦官舍人李斯為之

武士管籥

皇甫謐集

云護軍武士

典選武

晉起居注云秦始皇七年詔曰中軍之管籥

盡護諸將

史記陳平降漢拜為都尉時絳侯灌嬰等咸讒之漢王疑召平曰先生事魏不終遂事楚

而去今又從吾游信者固多心乎平曰臣事魏王魏王不能用臣說故去事項王項王不能信人其所任愛非

諸項即妻之昆弟雖有奇士不能用平乃去楚聞漢王之能用人故歸大王臣裸身來不受金無以為資誠臣

計畫有可采者願大王用之使無可用者金具在請封輸官得請骸骨漢王乃謝厚賜拜為護軍中尉盡護諸

將補總統諸將魏畧司馬景王代夏侯玄為護軍將軍總統諸軍主武官選事隨何說英

布史記高祖紀云漢王與楚大戰彭城不利謁者隨何將二十人使淮南說英布背楚歸漢乃拜何為護軍

將應詹滅王敦王晉書應詹傳云時王敦作逆明帝問詹計將安出詹厲然慷慨曰陛下宜當

赫斯之威臣等當得負戈前驅庶憑宗廟之靈有征無戰如其不然王室必危帝以詹為都督前鋒軍事護軍

將軍以滅

敗也補 太初拔用俊傑

世語曰夏侯玄字太初玄世名知人為中護軍拔用武官

參戰牙門無

非俊傑補 景王舉不越功

王晉書云景王為護軍將軍晉書云景王為護軍將軍作選用之法舉不越

功 任役在平

晉中興書王羲之授護國將軍將軍教

案義

史殷浩素雅重之勸使應命乃遺羲之書羲之報曰吾素自無志廊廟直王丞相時果欲內吾誓不許之手蹟猶

存由來尚矣不于足下參政而方進退自兒娶女嫁便懷向子平之志數與親知言之非一日也若蒙驅使關

隴巴蜀皆所不辭吾雖無專對之能直謹守時命宣國家威德固當不同于凡使必令遠近咸知朝廷留心于

無外此所益殊不

同居護軍也補 與參謀議

後漢書班固傳云大將軍實憲出征匈奴以班固為

中護軍與問以時事

魏志云夏侯玄遷中護軍太傅司馬宣王問以時事玄議以為夫官

參謀議也

北堂書鈔

九

才用人國之柄也故銓衡專于臺閣上之分也子通上孝行存乎閭巷優劣任之鄉人下之敘也補

疏詔曰微君吾弗聞斯言

魏志云蔣濟字子通護軍將軍景初中外勤征役內務

宮室怨曠者多而年穀飢儉濟上疏曰凡使民必須農隙不奪其時夫欲大興功之君先料其民力而燠休之

勾踐養胎以待用昭王恤病以雪仇故能以弱燕服強齊羸越滅勁吳今二敵不攻不滅不事即侵當身不除

百世之責也以陛下聖明神武之畧舍其緩者專心討賊臣以為無難矣又歡娛之耽害于精爽神太用則竭

形太勞則弊願大簡賢妙足以充百斯男者其冗散未齒且悉分出務在清淨詔曰微護軍吾弗聞斯言也補

元嗣留鎮太祖曰安可以無護軍

魏書云韓浩字元嗣為中護軍從太祖討

張魯議者以浩智畧足以綏邊欲留諸軍鎮漢中太安祖曰吾安可以無護軍乃與俱還其見親任如此

國擊匈奴充國擊武都

漢書百官公卿表云韓安國以護軍將軍擊匈奴趙充國為大

將軍都尉

召吏收朱祐

後漢書云朱祐為護軍嘗見親幸舍止于中祐侍燕從容曰長

安政亂公有日角之相此天命也世祖曰召刺姦使收護

軍祐乃不敢復言

案注云王莽置左右刺姦使收護

猾補東觀記曰上在長安時嘗與祐共買蜜合藥上追念之賜祐白蜜一石問何如在長安時共買蜜乎其親

厚如聞謠問蔣濟

魏畧云蔣濟為護軍時謠言欲求牙門當得千區宣王與濟善以問濟濟

無以解之因戲曰洛下一錢不足則不可行也

親幸莫與為比

後漢朱祐見前病卒流

涕累日

蜀志云法正為護軍將軍以病卒先主為之流涕者累日

陳平參乘絳灌讒

之

史記陳平見前

周顗失儀為有司所奏

晉書云周顗代戴若思為護軍將軍尚書

紀瞻置酒請顓及王導等
顓荒醉失儀為有司所奏
今誠乏才豈可以趙泳居之
晉中興書云司徒王導以趙泳為護軍宛愉謂導曰中
興以來處此官者周伯仁應思遠今誠乏才豈可以趙
泳居之

領軍將軍一百九

總六軍之要兼選舉之機

魏畧中領軍職云

掌監五營

續漢書百官志

云北軍中候一人秩六百石掌監五營魏畧
云中領軍延康中置故漢北軍中候之官也
皆領禁兵
魏志云韓浩者河內人及沛國史渙與浩俱以忠勇顯
浩至中護軍渙至中領軍皆掌禁兵封列侯補案魏書
云太祖欲討柳城領軍史渙以為道遠深入非完計也
欲與浩共諫浩曰今兵勢強盛威加四海戰勝攻取無

不如志不以此時遂除天下之患將為後憂且公神武
舉無遺策吾與君為中軍主不宜沮眾遂從破柳城補

脩車馬戒不虞

漢官解詁云中壘城門北軍士校脩爾車馬以戒不虞應劭注云漢掌兵官

辭不復入

王隱晉書云羊祜字叔子遷中領軍悉統宿衛入直殿中執兵之要事兼內外祜以大

事既定辭不復入

自表去官

晉書紀瞻傳云瞻才兼文武朝廷稱其忠亮雅正俄轉領軍將軍當

時服其嚴毅雖恒疾病六軍敬憚之瞻以久病請去官不聽復加散騎常侍及王敦之逆帝使謂瞻曰卿雖病

但為朕卧護六軍所益多矣乃賜布千匹瞻不以歸家分賞將士賊平復自表還家帝不許補與上殿

參定謀策

晉中興書云紀瞻拜領軍會錢鳳作逆詔上殿參定謀策事

韓伯從容養

病

晉起居注武帝泰始四年詔曰尚書韓伯陳疾解職漢軍間無上直之勞可得從容養疾更以伯為領軍

將軍紀瞻卧鎮六軍

晉書紀瞻見前

曹義賓客盈坐

傅玄子云安鄉亭侯曹義

為領軍將軍慕周公之下士賓客盈坐也

吳隱之分祿親族

晉書云吳隱之遣中領軍清儉

不革每月初得祿裁留身粮其餘悉分振親族家人紡績以供朝夕時有困絕或并日而食身恒布衣不完妻

子不霑寸祿補案隱之將嫁女謝石知其貧素遣女必當率薄乃令移厨帳助其經營使者至方見婢牽犬賣

之此外蕭然無辦附

左右將軍一百一十

王濟領兵未欲轉之

山濤啓事云右衛將軍王濟誠亮有美才詔濟領禁兵不欲使轉也

葛沖領兵未欲出之

山濤啓事云遊擊將軍諸葛沖精果有文武擬補兖州詔答沖領兵

未欲出之也

許褚為文帝親近

魏志云許褚從太祖討馬超韓遂太祖與遂超等單馬會

語左右皆不得從唯將褚超負其力陰欲前突太祖素聞褚勇疑從騎是褚乃問太祖曰公有虎侯者安在太

祖顧指褚褚瞋目盼之超不敢動乃各罷後數日會戰大破超等褚身斬首級遷武衛中郎將武衛之號自此

始也軍中以褚力如虎而癡故號曰虎癡後文帝踐阼進封萬歲亭侯遷武衛將軍都督中軍宿衛禁兵甚親近焉

補

虞盾為明帝所昵

晉書云虞盾轉右衛將軍與南頓王宗俱為明帝所昵並典禁兵及

帝不豫宗以陰謀發覺事連盾帝隱忍不問徙盾為宗正卿補

文度共輔幼主

晉書云王坦之

字文度領左衛將軍又領本州大中正與謝安共輔幼主

世瑜親侍至尊

晉中興書云劉超字

世瑜為右衛將軍親侍至尊

曹攄憂亡流涕

傳玄子云曹攄為武衛大縱酒作樂酒酣起為

壽憂亡流涕云

案張隱文士傳云曹攄字顏遠少厲

志操博學有才藻仕晉辟公府歷洛陽令有能名大司

馬齊王周輔政攄與齊人左思俱為記室督從中郎出

為襄陽太守征南司馬值天下亂攄討賊向吳戰敗死

補劉超攀轂悲哀晉中興書云劉超為左衛將軍時蘇

傳云蘇峻遷車駕石頭時天大雨道路沈陷超與侍中

鍾雅步侍左右賊給馬不肯騎而悲哀慷慨峻聞之甚

不平然未加害而以其所親信許方等補司馬督殿中

監外托宿衛內實防禦超等時飢饉米貴峻等問遣一

無所受繼總朝葛沖精果擬兗州山濤啓諸卞蘭才學

夕臣節愈恭補葛沖見前

加散騎魏志云卞蘭少有才學為游擊將軍加散騎常侍

四征將軍一百一十一

治軍整齊

華嶠後漢書云岑彭說

降朱鮪遷征南將軍

云初公孫述聞漢兵在平曲故遣大兵逆之及彭至武陽繞出延岑軍後蜀地震駭述大驚以杖擊地曰是何

神也彭所營地名彭亡聞而惡之欲徙會日暮蜀刺客詐為亡奴降夜刺殺彭補范史論曰中興將帥立功名

者衆矣唯岑彭馮異建方面之號自函谷以西方城以南兩將之功實為大焉若馮賈之不伐岑公之義信乃

足以感三軍而懷敵人故能剋成遠業終全其慶也昔高祖忌柏人之名違之以全福征南惡彭亡之地留之

以生灾豈幾慮自有明

與士簡易

華嶠後漢書云耿康為征西將軍出西域

康壯勇與士簡易

耿康為征西匈奴懷信

又云耿康為征西將軍出西域康鎮撫單

于匈奴懷其信

羊祜為征南江浦馳義

王晉書云羊祜為征南大將軍開府辟召儀同

三司乃進據險要開建五城收膏腴破赤眉於崤底後
之地奪吳人之資於是江浦馳義也破赤眉於崤底後
書云馮異為征西大將軍會鄧禹率車騎將軍鄧弘等
引歸與異相遇禹弘要異共攻赤眉異曰上今使諸將
屯澠池要其東而異擊其西一舉取之此萬成之計也
禹弘不從弘遂大戰移日赤眉陽敗棄輜重走車皆載
土以豆覆其上兵士飢爭取之赤眉引還擊弘弘軍潰
亂大為所敗異與麾下數人歸營收其散卒招集諸營
保數萬人與赤眉約期會戰大破於崤底降璽書勞異
曰赤眉既平士吏勞苦始雖垂翅回谿終能奮翼颺池
可謂失之東隅收之桑榆習水軍於三州魏志云王昶
方論功賞以答大功補習水軍於三州為征南將軍
假節都督荊豫諸軍事乃表收散卒奮翼澠池後漢馮
徙治新野習水軍於三州異見上
將銳卒虎步江南魏志曹休為征東將軍云云
征孫權以休為征東大將軍假黃鉞
案帝

督張遼等及諸州郡二十餘軍擊權大張遼持戟先登將軍呂範等於洞浦破之拜揚州牧補

文帝謂之邵虎

魏志云張遼為征東將軍征孫權遼被甲持戟先登陷陣殺數十人斬二將文

帝謂之邵虎

曹仁披甲破賊三軍皆曰天人

魏志云曹仁為征南將軍留屯

江陵拒吳將周瑜將數萬眾來攻前鋒數千人始至仁登城望之乃募得三百人遣部曲將牛金逆與挑戰賊多金眾少遂為所圍金等垂沒左右皆失色仁意氣奮怒遂披甲上馬將其麾下壯士數十騎出城直前衝入賊圍金等乃得解餘眾未盡出復直還突之拔出金兵亡其數人賊眾乃退長史陳矯等初見仁出皆懼及見仁還乃數曰將軍真天人年老徵還魏志云滿寵也三軍服其勇太祖益壯之補年老徵還為征東將軍以年老徵還還為太尉老疾求還魏志云趙儼遷征西寵不治產業家無餘財將軍督雍涼以老疾

求還

卷六十四

卷六十四

四鎮將軍一百十二

開邊據險

魏志云劉靖遷鎮北將軍假節都督河北諸軍事靖以為經常之大法莫善于守防使民

夷有別遂開拓邊守屯據險要又修廣房渠陵大竭水溉灌薊南北三更種稻邊民利之補案應璩書與靖曰

入作納言出臨京任富民之術日引月長藩落高峻絕穿窬之心五種別出遠水火之灾農器必具無失時之

闕蠶麥有苦備之用無雨濕之虞封符指期無流連之吏鯨寡孤獨蒙廩振之實加之以明撫幽微重之以秉

憲不撓有司供承王命百里垂拱仰辦鑿山通道

雖昔趙張三王之治未足以方也附鄧艾志為征西將軍都督隴右諸軍事艾自陰平道行無人之地七百餘里鑿山通道造作橋閣山高谷深至為艱險

又糧運將匱頻于危殆艾以糧自襄推轉而下將士皆
攀木緣崖魚貫而進先登至江油蜀守將馬邈降至成
都蜀主劉禪遣使奉皇帝璽綬為箋詣艾請降補案詔
曰艾耀威奮武深入虜庭斬將塞旗梟其鯨鯢使僭號
之主稽首係頸歷世逋誅一朝而平兵不踰時戰不終
日雲徹席卷蕩定巴蜀雖白起破強楚韓信克勁趙吳
漢禽子陽亞夫滅七國計深入虜庭上拓平西夏魏志
功論美不足比勲也附
會為鎮西將軍詔曰會所向摧弊前無彊敵緘制衆城
罔羅逆逸蜀之豪帥面縛歸命謀無遺策舉無廢功凡
所誅動以萬計全勝獨克有征
無戰拓平西夏方隅清晏補隴西王秉心誠亮晉起居注
武帝詔曰關中內屏京畿外藩河右北扞戎狄南鎮魯
巴漢宜任懿親以靜西土隴西王素秉心誠亮云云魯
芝鎮西恪勤在公晉錄云鎮西將軍魯芝恪勤在公不營私門素無華宅使軍兵作屋五十

間曹休為鎮南車駕臨送

魏志云曹休為鎮南將軍車駕臨送乃下與執手而別

鄧艾為鎮西劉禪奉輿

魏志鄧艾見上

黃權道隔降魏蜀志云

鎮北將軍督江北軍以防魏師先主自在江南及吳將軍陸議乘流斷圍南軍敗績先主引退而道隔絕權不得還故率將所領降于魏有司執法白收權妻子先主曰孤負黃權權不負孤也待之如初補索裴松之以為漢武用虛安之言滅李陵之家劉主拒憲司所執宥黃權之室二主得失縣邈遠矣附許允散放官物魏氏春秋云許允為鎮北將軍都督河北諸軍事未發以散放官物收付廷尉徙樂浪道死

驍騎將軍一百十三

殿中將軍 龍驤將軍 輔國將軍 冠軍將軍 征虜將軍附

驍騎漢官建武始改

漢官儀云驍騎漢官也武帝以李廣為之後世祖建武九年始改屯

騎出鴈門

漢書云李廣為驍騎將軍後四歲出鴈門擊匈奴匈奴兵多破廣軍生得廣單于素聞廣

賢令曰得李廣必生致之胡騎得廣廣時傷置兩馬間絡而盛之卧行十餘里廣陽死睨其傍有一兒騎善馬

暫騰而上胡兒馬因抱兒鞭馬南馳數十里得其餘軍匈奴騎數百追之廣行取兒弓射殺追騎以故得脫補

出北塞

魏畧云任城威王彰行驍騎將軍出北塞為虜冠所要彰獨與麾下數百騎突虜王聞之曰我

黃鬚兒竟

馬成勤勞徵還

後漢馬成拜揚武將軍屯常山中山以備北邊并領建義

大將軍朱祐營又代驍騎大將軍杜茂繕治障塞自西河至渭橋河上至安邑太原至井陘中山至鄴皆築保

壁起烽燧十里一候在事五六年帝以成勤勞選名家徵還京師邊人多上書求請者復遣成還屯補選名家

以參顧問

晉起居注云殿中將軍武帝太元中募選用名家以參顧問始用琅邪王茂之奏也

才學以開視聽

語林云庾公與郗公為殿中將軍舊用才學之士以開視聽而頓悉用面牆之

人何公為人勇士

玄中記漢桓帝時出遊河上忽有一青牛從河中出直走還桓帝太尉何

公時為殿中將軍為人勇力走還河按何公進攬其右足牛見公反走還河按何公進

祭遵憂國奉

公華漢書祭遵為征虜將軍南擊弘農賊弩中遵洞出流血衆見遵傷稍引退遵呼叱止之士卒戰皆自倍

遂大胡奮涉練戎事

晉起居注武帝詔曰議郎胡奮有文武才幹涉練戎事

叔源

求領戎行

續晉陽秋云謝混字叔源求領戎行拜征虜將軍案晉書混本傳云桓玄嘗欲以安宅

為營混曰召伯之仁猶惠及甘棠文靖之德更不保五畝之宅耶玄聞慙而止附

無忌乞解所

任晉起居注輔國將軍何無忌表云云

案晉書無忌本傳無忌為輔國將軍南追桓玄玄龍驤將軍何澄

之率軍來戰澹之常所乘舫旌旗甚盛無忌曰賊帥必
不居此欲詐吾耳宜亟攻之衆咸曰澹之不在其中徒
得之無益無忌謂振武將軍劉道規曰今衆寡不敵戰
無全勝澹之雖不居此舫取則易獲因縱兵騰之可以
一鼓而敗也道規從之遂獲賊舫因傳呼曰已得何澹
之矣賊中驚擾無忌之衆亦謂為然道規乘勝徑進無
忌又鼓譟赴之謝琰拒氏賊晉書謝琰傳云謝安以琰
澹之遂潰補

軍以精兵八千人王濬謀伐吳晉書羊祜傳時吳有童
距氏破賊有勲焉王濬謀伐吳謠歌曰阿童復阿童銜

刀浮渡江不畏岸上獸但畏水中龍祜聞之曰此必水
軍有功但當思應其名者耳會益州刺史王濬徵為大
司農祜知其可任濬又小字阿童因表留濬
監益州諸軍事加龍驤將軍以伐吳也補

伏波將軍一百十四

奮威 貳師 橫野 建威
雜號 鎮遠 偏將軍 附

馬援朝見次九卿

後漢書云馬援為伏波將軍振旅還京師賜援兵車一乘朝見位次九卿

呂布假節比三司

魏志云呂布為奮威將軍假節發騎比三司與司徒王允共秉政事

擊匈奴

漢書云李廣為貳師將軍發屬國六千騎及郡國少年萬人擊匈奴引兵擊高峻

續漢書云王常拜橫野大將軍位次九卿諸將絕席引兵擊高峻

伯昭所向陷敵後漢書云

耿弇字伯昭為建威將軍詔弇進攻漁陽弇以父據上谷又兄弟無在京師者自疑不敢獨進上書求詣洛陽

詔報曰將軍出身舉宗為國所向陷敵功効尤著何嫌何疑而欲求徵且與王常共屯涿郡勉思方畧况聞弇

求徵亦不自安遣舒弟國入侍帝善之補公明長驅入敵

魏志徐晃字公明為橫野將軍太祖

遣晃討闕某太祖令曰賊圍塹鹿角十重將軍致戰全勝遂陷賊圍多斬首虜吾用兵三十餘年及所聞古之

善用兵者未有長驅徑入敵圍者也且樊襄陽之在圍過於荅即墨將軍之功踰孫武穰苴晁振旅還摩陂太祖迎晁七里置酒大會太祖舉卮酒勸晁且勞之曰全樊襄陽將軍之功也時諸軍皆集太祖案行諸營士卒咸離陣觀而晁軍營整齊將士駐陣不動徐晃駐陣不

動

上見

張遼潰圍以出復入

魏志云

張遼為雜號將軍守合肥為孫權所圍遼左右麾

圍直前急擊圍開遼將麾下數十人得出餘眾王霸可號呼曰將軍棄我乎遼復還突圍拔出餘眾

以獨任

後漢書王霸傳云帝以霸曉兵愛士可獨任拜為偏將軍補案時王郎起光武在薊郎移檄購

光武光武令霸至市中募人將以擊郎市人皆大笑舉手揶揄之霸慚懼而還光武即南馳至下曲陽傳聞王郎兵在後從者皆恐及至滹沱河候吏還白河水流漸無船不可濟官屬大懼光武令霸往視之霸恐驚眾欲

且前阻水還即說曰水堅可渡官屬皆喜光武笑曰候
吏果妄語也遂前比至河河冰亦合乃令霸護渡未畢
數騎而冰解光武謂霸曰安吾衆得濟免者卿之力也
霸謝曰此明公至德神靈之祐雖武王白魚之應無以
加此光武謂官屬曰王霸魏延委以重任蜀志云先主
權以濟事殆天瑞也附
漢中鎮遠將軍領漢中太守一軍盡驚先主大會羣臣
問延曰今委卿以重任卿居之欲云何延對曰若曹操
舉天下而來請為大王吞之先主稱善衆咸壯其言補
至請為大王吞之先主稱善衆咸壯其言補
科制魏志云夏侯惇字元讓為伏波將軍領休德無意
尹如故使得以便宜從事不拘科制
人物會稽典錄云謝淵字休德為建武
將軍雖在戎披猶無意人物也

北堂書鈔卷六十四

欽定四庫全書

北堂書鈔卷六十五

唐 虞世南 撰

明 陳禹謨 補註

設官部十七

太子太師一百十五
太子太傅一百十六

太子太保一百十七
太子少傅一百十八

太子詹事一百十九
太子左右衛率一百二十

太子太師一百十五

先王之建立太子必擇九德之師六行之傳

薛綜少師傳表

也者教之以事而諭諸德者也

秩與卿同

晉公卿禮秩云太子

太師秩規尚書令

晉官品令云太子太師品第三舊規尚書令位在卿下銀印青綬佩水蒼

玉進賢兩梁冠五時朝服

銀印青綬

見上

佩水蒼玉

見上

以公望為太師

史記漢高祖以商山四皓為太子太師傳云上欲易太子呂澤彊要曰為我畫計良曰此難以

案漢書張良

口舌爭也顧上有所不能致者四人四人年老矣皆以

上嫚侮士故逃匿山中義不為漢臣然上高此四人今公誠能母愛金玉璧帛令太子為書卑辭安車因使辯士固請宜來來以為客時從入朝令上見之則一助也

于是吕后令吕澤使人奉太子書卑辭厚禮迎此四人至及宴置酒太子侍四人者從太子年皆八十有餘須眉皓白衣冠甚偉上怪問曰何為者四人前對各言其姓名上迺驚曰吾求公避逃我今公何自從吾兒遊乎四人曰陛下輕士善罵臣等義不辱故恐而亡匿今聞太子仁孝恭敬愛士天下莫不延頸願為太子死者故臣等來上曰煩公幸卒調護太子補索師古曰四人東園公綺里季夏黃公角里先生所謂商山四皓也

附 何邵領太子通省尚書事

晉書何邵傳云惠帝即位初建東宮太子年幼欲令

親屬萬機故盛選六傅以幼為太子太師通省尚書事

太子太傅一百十六

凡三王教世子立太傅以養之 太傅審父子君臣之

道以示之

太傅古官

漢書百官公卿表云太子太傅古官也屬洗馬舍人

同班

晉公卿禮秩云太子太傅與卿同班

位次太師

漢官解詁云太子太傅日就月將琢磨玉

質言太子有玉之質琢磨以道也位次太師

職掌輔導

續漢書百官志云太子太傅一人中二千

石職掌輔導太子

傳其德義

大戴禮云昔者周成王幼在襁褓之中周公為太傅

禮如師不領官屬

傳其德義陰貴人於新野并徵識識隨貴人至以

德義為騎都尉更封陰鄉侯及顯宗立為皇太子以識守執

金吾輔導東官帝每巡郡國識常留鎮守京師委以禁

兵入雖極言正議及與賓客語未嘗及國事帝德訓儲

宮

晉書賀循傳云上以循行太子太傅太常如故循自以枕疾廢頓臣節不脩上隆降尊之義下替交敬之

敬懼非垂典之教也累表固讓帝以循體德率物有不
言之益敦屬備至期于不許命皇太子親往拜焉補

太傅在前

禮記文王世子篇太傅在前少傅在後

太傅不臣

漢魏故事云太傅於太子

不稱臣朔

太子拜太傅如事師之禮

晉起居注武帝太始五年詔

命

並選官屬

魏志涼茂為太子太傅時何夔為少傅特命二傅與尚書並選太子官屬也

官事

大小皆由

晉起居注云武帝太始中置二傅官事大小皆二傅立草少傅寫之

盡天下之

選

山公啟事云太子始傅之東宮四海屬目保傅之官不可不盡天下之選

石奮以恭謹選

史記石奮無文學恭謹無與比遷太子太傅

程秉以名儒徵

吳志程秉傳云孫權聞其名儒

以禮徵秉既到拜太子太傅

鄧禹以名臣拜

續漢書鄧禹傳云孝明皇帝以鄧禹先帝名臣

拜太子太傅
東宮甚優寵
王導以驃騎領
晉中興書云王導以驃騎

傅齊王以司空行

晉中興書百官公卿表注云齊王攸為司空行太子太傅事

衛綰

謹慎

史記云衛綰為太子太傅為人謹慎景帝為太子時嘗召稱病不行

彭祖廉直

漢書云嚴

彭祖遷太子太傅廉直不事權貴或說曰天時不勝人事君以不脩小禮曲意亡貴人左右之助經誼雖高不

至宰相願少自勉強彭祖曰凡通經術固當脩行先王之道何可委曲從俗苟求富貴乎補案彭祖與顏安樂

俱事睦孟孟弟子百餘人唯彭祖安樂為明質問疑誼各持所見孟曰春秋之意在二子矣孟死彭祖安樂各

顯門教授由是公羊高帝欲立趙王叔孫願伏誅史記春秋有顏嚴之學附高帝欲立趙王叔孫願伏誅云叔

孫通為太子太傅高祖欲以趙王如意易太子通諫上曰今太子仁孝天下皆聞之呂后與陛下攻苦食淡其

可背哉陛下必欲廢適而立少臣願先伏誅以頸血汙地高帝曰公罷矣吾直戲耳通曰太子天下本本一搖天下振動奈何以天下為

景帝廢栗太子竇嬰因謝病

史記竇嬰傳云孝景中立栗太子以嬰為傅後廢栗太子嬰爭弗能得謝病屏居藍田南山下補王導

旦夕陳諫

晉書云王導為太子太傅初帝愛瑯琊王裒將有奪嫡之議以問導導曰夫立子以長且

紹又賢不宜改革帝猶疑之

張湛稱疾不朝

後漢書云

子太傅及郭后廢因稱疾不朝

夏侯勝受詔撰論語說

漢書云夏侯勝為太子太傅受

詔撰尚書論語說賜金百斤年九十卒

蕭望之以論語授太子

漢書蕭望之為太子

太傅以論語禮

賀循制度所正

虞預晉書云賀循為太子太傅朝廷初建動有

疑議宗廟制度皆循所正定朝野諮詢

李熹訓道盡規

晉書云李熹為太子太傅自魏明帝

以後久曠東宮制度廢闕官司不具詹事左右率庶子中舍人諸官並未置唯置衛率令典兵二傅并攝衆事

熹在位累年訓導盡規補

涼茂甚見敬禮

魏志云涼茂為太子太傅甚見敬禮

仲翁

深見器重由是數受賞賜

漢書云疏廣字仲翁為太子太傅廣兄子受為太子少傅

時太子外祖父特進平恩侯許伯以為太子少白使其弟中郎將舜監護太子家上以問廣廣對曰太子國儲副君師友必于天下英俊不宜獨親外家許氏且太子自有太傅少傅官屬已備今復使舜護太子家視陋非所以廣太子德於天下也上善其言以語丞相魏相相免冠謝曰此非臣等所能及廣繇是器重數受賞賜太子每朝因進見太傅在前少傅在後父子並為師傅朝廷以為榮在位五歲皇太子年十二通論語孝經廣謂

受曰吾聞知足不辱知止不殆功遂身退天之道也今仕宦至二千石宦成名立如此不去懼有後悔豈如父子相隨出關歸老故鄉以壽命終不亦善乎受叩頭曰從大人議即日父子俱移病滿三月賜告廣遂稱篤上疏乞骸骨上以其年篤老皆許之加賜黃金二十斤皇太子贈以五十斤公卿大夫故人邑子設祖道供帳東都門外送者車數百兩辭決而去及道路觀者皆曰賢哉二大夫或歎息為之下淚補案師古曰視陋視讀曰示言獨親外家示天下以淺陋附 彥先枕疾廢頓太子親往拜焉晉書賀循

見前 父子俱移疾公卿設祖道

漢書疏廣見上

太子太保一百十七

成王在襁褓召公為太保

大戴禮云昔者周成王幼在襁褓之中召公為太保言保

其身輔翼歸道禮記文王世子篇云保其身教諭而德

成又云入則有保出則有師是以教諭而德成也劉寔以開府加王晉書云孝懷帝以劉寔

為特進開府賈充以太尉領晉諸公贊云賈充以太尉加太子太保領太子太保錄尚書事

陳畧有譽西湖渡江為太子太保臧榮緒書陳畧字永曜有譽西湖渡江為

太子太保也

太子少傅一百十八

先王之建太子必擇六行之傳九德之師薛綜讓秩二少傅表

千石續漢書百官志云太子少傅秩二千石亦以輔導為職悉主太子官屬與卿同班晉公

卿禮秩云少輔導玉質漢書解詁云少傅琢磨玉質輔
傅與卿同班

導東宮

王晉書山濤為太子少傅詔曰輔導東宮

宮事皆由

晉起居注見前

悉主官

屬

續漢書百官志見上

並選官屬

魏志何夔見前

不朝朔望

漢故事云太傅少傅稱臣

並不朝朔望

准古不拜

王晉書荀顗傳師何曾儀少傅當稱臣

每月朔入見他

日無會儀

魏志云何夔為少傅涼茂為太傅每月朔入見太子太子正法服而禮他日無會儀也

少傅思訓

傅玄少傅箴云近朱者赤近墨者黑聲和則響清形正則影直

少傅觀德

禮記

文王世子云少傅奉世子以觀太傅之德行而審諭之

內管銓衡

晉書周顗拜太子少傅上疏曰臣學

不通一經智不効一官乃欲使臣內管銓衡外參傳訓質輕蟬翼事重千鈞此之不可不待識而明矣詔曰紹

幼冲便居儲副之貴當賴軌匠以祛蒙蔽望之儼然斯
不言之益何學之習耶所謂與田蘇遊忘其鄙心者便
當副往意不秦西巴不忍放麀孟孫召為子傅韓子云
孟孫獵

宜冲讓補

秦西巴不忍放麀孟孫召為子傅

韓子云
孟孫獵

得麀使秦西巴載之持歸其母隨之而啼秦西巴弗忍
而與之孟孫歸至而求麀答曰余弗忍而與其母孟孫

大怒逐之居三月復召以為其子傅其御曰曩將罪之
今召以為子傅何也孟孫曰夫不忍麀又且忍吾子乎

故曰巧詐不如拙誠樂羊以有桓榮稽古之力

後漢書
云桓榮

為太子少傅賜以輜車乘馬榮大會諸生陳其
車馬印綬曰今日所蒙稽古之力也可不勉哉山濤有

古人之風

王晉書云山濤轉為少傅詔曰濤秉德冲素
心思潛通清虛履道有古人之風雖使輔導

東宮宜兼衛瓘鼓吹之府

王晉書云衛瓘為太保領太
子少傅加千兵百騎鼓吹之

府王雅冒雨而拜

晉書王雅傳云會稽王道子領太子太傅以雅為太子少傅時王珣兒婚

賓客車騎甚衆會聞雅拜少傅迴詣雅者過半時風俗頗弊無復廉恥然少傅之任朝望屬珣珣亦頗以自許

及中詔用雅衆遂赴雅馬將拜遇雨請以繖入王珣不許之因冒雨而拜補案雅性好接下敬慎奉公孝武帝

深加禮遇雖在外職侍見甚數朝廷大事多參謀議帝每置酒宴集雅未至不先舉觴其見重如此然任遇有

過其才時人被以佞幸之目帝起清暑殿於後宮開張北上閣出華林園與美人張氏同遊止惟雅與焉附張

良立奇策

漢書張良為少傅上欲廢太

匡衡陳便宜

云匡衡為少傅數年數上疏陳便宜及朝廷有政議傳經以對言多法義上以為任公卿補案師古曰任堪也

附疏受辭禮閑雅

漢書云疏受為太子家令受好禮恭謹敏而有辭時宣帝置酒太子宮奉

觴上壽辭禮閑雅上甚驩說

王丹德重當時

續漢書云王丹為太

頃之拜受為太子少傅補

子少傅寥寥正甄宇清靜少欲

東觀漢記云甄宇拜太子太傅清靜少欲常稱

直德重當時

老氏知足羊祜克已復禮

山濤啓事云少傅羊祜秉德尚義克已復禮又年尚少可

之分也

久于其華廐得傳導之義

王晉書華廐遷太子少傅加散騎常侍動遵禮典甚得傳

事也

導之周顗有不言之益

晉書周顗見前

子房雖疾卧傳太子

漢書

張良傳云漢十一年黥布反上自將而東羣臣居守皆送至霸上良疾強起至曲郵見上曰臣宜從疾甚楚人

剽疾願上慎毋與楚爭鋒因說上令太子為將軍監關中兵上謂子房雖疾強卧傳太子是時叔孫通已為太

傅良行少

傅事補巨源雖疾乘輦導入

王晉書山濤轉少傅年已七十表疾求退手詔

不聽尋講武于宣武塲帝命乘輦導入案濤時與盧
欽論用兵之本以為不宜去州郡武備其論甚精于時

咸以濤不學孫吳而闇與之上疏歸道以書辭謝後漢
合帝稱之曰天下名言也補

桓榮為太子少傅以太子經學成畢上疏謝曰臣幸得
侍帷幄執經連年而智學淺短無以補益萬分今皇太

子以聰睿之姿通明經義觀覽古今諸君副主莫能專
精博學若此者也臣師道已盡皆在太子謹使掾臣記

再拜歸道太子報書曰莊以童蒙學道九載而典訓不
明無所曉識昔之先師謝弟子者有矣上則通達經旨

分明章句下則去家慕鄉求謝師門今蒙下
列不敢有辭願君慎疾加餐重愛玉體補

手詔不聽王晉書山
濟見上三世傳東宮談者歎美晉書云薛
兼為太子

少傅自兼祖綜父瑩至兼三世傳東宮談者美之案
兼清素有器宇少與同郡紀瞻廣陵閔鴻吳郡顧榮會

稽賀循齊名號為五儒初入洛司父子為師傅朝廷榮

馬漢書疏
廣見前

太子詹事一百十九

詹事秦官

漢書百官表云詹事秦官也應劭注云詹省也給也臣瓚曰茂陵書詹事秩真二千石

真二千石

見銀章青綬晉令云詹事兩梁冠舊規領護

晉令云詹事品第
三舊規中領護

掌一宮事務

晉公卿禮
秩云云

總司之任

晉起

居注云武帝以王恭為丹陽尹領太子詹事恭讓表曰
今日王儲始建四方是式總司之任崇替所宜妙東才

賢盡一時
之勝補

彈肅一宮

王珣答徐邈書曰詹事彈
肅一宮如尚書令中丞也妙東賢

才盡一時之勝

晉起居注王恭見上

竇嬰諫傳梁王

漢書竇嬰傳云孝景即位

以嬰為太子詹事帝弟梁孝王母竇太后愛之孝王朝因宴昆弟飲是時上未立太子酒酣上從容曰千秋萬歲後傳王太后驩嬰引卮酒進上曰天下者高祖天下父子相傳漢之約也上何以得傳梁王太后由此憎嬰

補

孔霸經授太子

漢書云孔光父霸字次孺宣帝時以經授太子為詹事

卞壺裁

斷朝廷

千寶晉紀云卞壺遷太子詹事世稱壺裁斷朝廷實忠於事上也

王恭清操過

人

晉中興書云太原王恭為中書令領詹事學問清操過人

太子左右衛率一百二十

主門衛秩千石

如淳注漢書百官儀云衛率主門衛秩千石續漢百官表云衛率一人主門衛

士舊規中領護

晉令云左右衛率品第五舊規中領護

秦始皇分置左右

晉公

卿禮秩云晉建置衛率令一人秦始分置左右率一人領兵各五千人也

率精兵四萬人

王晉書劉

卞為左衛率知賈后必害太子乃問張華曰初無所聞也案注未詳率兵事晉書卞本傳云卞為左衛率知

賈后廢太子之謀甚憂之以計干張華而不見用益以不平賈后親黨微服聽察外間頗聞卞言乃遷卞為輕

車將軍雍州刺史卞知言泄將順匡救拾遺補闕城榮恐為賈后所誅乃飲藥卒補將順匡救拾遺補闕緒晉

書云徐邈為前衛率在東宮朝久入見將順匡救拾遺補闕侍衛威重宜得其才山

啓事云左衛率缺侍衛威重宜得其才無疾患者裴康裴楷並為名士喬潭冀州記云

裴康字仲預楷字叔則石崇孫尹皆其選也山濤啟事云太子左

衛率缺石崇孫尹忠道脩為黃門領晉中興書郗恢字

侍郎領太處默以博士為晉書云吳隱字處默以太徐

邈建元為前衛邈又云徐邈建元中為太子前衛率案

帝謂邈曰雖未勅以師禮相待然不以博士相遇也古

之帝王受經必敬自魏晉以來多使微人教授號為博

士不復尊以為師故帝有云邈莅官簡惠達于從政論

議精密當時多謬稟之觸類辨釋問則有對舊疑歲辰

在郊此宅之左則彼宅之右何得俱忌于東邈以為太

歲之屬自是遊神譬如日出之時向東皆逆非為藏體

地中也所注穀梁先民一時雋彥臧晉書徐邈字先茂

傳見重于時補

仲動可觀探荀氏家傳云惺字茂仲山濤舉為右衛下

率清和履正從容顧問動可觀探也

郭可式遏邊境

晉中興書云卞郭除右衛率時胡賊侵逼淮泗中宗求可以式遏邊境者公卿

也舉郭郗恢有蕃伯之望

晉中興書云郗恢領右衛率恢風神魁梧烈宗器之以為有蕃

伯之望擢為雍州刺史

北堂書鈔卷六十五